

**Yukrain  
paitman  
sutim  
Malesia  
balus - P6**



**PNG Meid P8-21**

Lae Biscuit tok,  
em TOTI taim...  
Baim "PNG  
Made" na helpim  
yumi yet...



**Bisnis P19, 20**

**Bemobile Voda Fon  
namba 3 Wina!**



na painim aut  
moa long ol  
narapela  
promosens  
blong mipla  
bihain taim.

# Buai i pulap gen long Mosbi

## Buai bisnis kam bek long Pom

**Sori tru,  
298 dai nating ...**



MH17 balus bipo birua i bungim em..



Moa poto long pes 6...

Stanley Nondol i raitim

**BUAI** i kam pulap long Mosbi siti gen. Ol i salim long planti hap long siti long liklik prais, wankain olsem bipo maski i gat bikipela tambu.

Nesenel Kepitol Distrik gavana Powes Parkop i putim nupela lo na stopim olgeta buai maket na putim bikipela bum get ausait long wan long buai i no ken kam insait.

Gavana Parkop i putim buai ben long Janueri 1 2014. Long Jenueri i kam antap, saplai bilong buai bin sot na husat i kisim liklik kam i salim wan wan long K2 na K3. Tasol nau yu go raun long siti bai yu lukim olsem buai i pulap. Ol i salim wanpela long K1 na 50t.

Wanpela askim em olsem, bilong wanem na ol polis na wokman bilong NCDC i no arestim o holim pasim ol lain i salim buai grup long maket long painim aut long wanem rot stret ol kisim buai i kam long siti.

Buai ben lo i tok wan wan man o meri i kam aut long Laloki bum get i ken karim inap long tupela kilom-grem. Tasol ol i no arestim ol lain salim i buai grup long Mosbi.

Na planti manmeri i tok ating buai ben i mas pinis, na buai kam pulap olsem bipo.

Mipela tu i lukim sampela polisman i kam stopim kar bilong ol, baim buai na kaikai na i go.

**I go moa long pes 2...**

**BIKPELA ASUA:** Hia ol bodi bilong pasendia Malesia MH17 balus i silip arere long rot insait long beg plastik. Balus i pundaun na paia taim ol paitman bilong Yukrain i krangi na sutim roket i go na sutim daun dispela Malesia balus. Olgeta pasindia wantaim ol paillet na eahostes dai long dispela birua. Balus i pundaun long liklik ples Torez long Yukrain klostu long kantri Rasia. **Insait poto**, em balus tasol bipo em i lusim Amsterdam ples balus na kam kisim bagarap long Yukrain. 298 manmeri na pikinini i dai long dispela birua. **Poto: Mail Online.**

2014

# HOLY LAND

## tours

FROM **K13,825\***  
**PER PERSON**  
TWIN SHARE  
(Minimum group - 20 people)

**INCLUSIONS:** • Return airfares • 3-4 star hotel accommodation • Return airport transfers • All meals  
• All tours/transportation fees • Tour guide • Visa fees & border taxes for Jordan & Israel • All taxes & surcharges



Call toll free on **180 2121**  
or email: [tours@airniugini.com.pg](mailto:tours@airniugini.com.pg) for more information



# Tingim lapun Moide...

Dispela yia 2014, lapun Ben Moide i no stap long Rimembrens De. Big nem Ben Moide i wanpela man husat i stap insait long Wol Woa 2 na halivim ol Australia long pait egens Japan.. Julai 23 2014 i makim dispela bikpela de we yumi save tingim ol tumbuna bilong yumi i sanap strong long seivim kantri bilong yumi. Lapun Ben Moide i pasim ai long dispela yia na i no sanap aste wantaim ol komred bilong em long makim de..Hia long poto i soim femili na bubu bilong em tasol i kam long makim papa na tumbuna bilong ol long Ela bis memorial ples. *Poto: Nicky Bernard.*



# PNG i mas tingim ol woa hiro

**ASKIM i go long ol pipel bilong dispela kantri long tingim ol woa hiro bikos long sakrifais bilong ol yumi stap gut tude.**

Gavana Jenerel na Gren Sif, Sir Michael Ogio, i mekim dispela askim long Rimembrens

De seremoni i bin kamap long Ela Bis Memorial Pak aste bilong tingim ol manmeri i bin dai long ol bikpela pait long wol, rijon na kantri.

Sir Michael i bin tok tingim bek ol memori long ol strongpela manmeri i bin pait na dai

long gutpela bilong kantri na rijon i bikpela samting na yumi mas skulim ol pikinini bilong yumi tu ol stori, singim long ol singsing na holim memori i stap laip.

“Rimembrens De em i de bilong olgeta manmeri bilong PNG. Olsem ol manmeri bilong dispela kantri, yumi mas tingim ol Woa Hiro na bildim yunaitet kantri we ol man bilong ol kain wanpisin i bin bung

wantaim long helpim ol pren kantri olsem Australia, Nu Silan na Amerika long pait egens long birua.

“Strong bilong ol em samting yumi mas tok tenkyu long em. Nau yumi gat kantri bilong yumi yet, sakrifais bilong ol tumbuna bilong yumi i bin pait long Wol Wo 2 i givim yumi dispela graun yumi sanap nau long en,” Sir Michael i tok. Em i tok ol pren

kantri i bin pait egens birua na dispela em Japan.

Tasol em i tok ol dispela lain tude i tanim kamap ol poroman na ol i wok long givim bikpela helpim long PNG.

“Wo em i samting no gut tru tasol tude yumi stap gut bikos long ol dispela strongpela man. Ol bin stap insait long pait, karim ol sik na man i kisim bagarap, karim ol saplai,

helpim lukautim ol lain i kisim bagarap na ol narapela woa hiro moa.

“Ol visita i kam long kantri tude i tok ples bilong yumi i wanpela hatpela ples i gat ol maunten ples, tais, bikbus ples, nambis ples na ol ailan, tasol em bin mas hatpela moa long taim bilong pait.

“Yumi skulim ol pikinini, singim long ol singsing na larim

memori i stap laip. Yumi mas selebretim histori bilong yumi taim yumi go fowed na kisim ples bilong yumi long wol.

Yumi selebretim ol wo hiro bilong yumi olsem ol narapela kantri i save selebret long tingim ol lain bilong ol i dai long ol bikpela pait.

Yumi selebretim Rimembrens de wantaim ona, komitmen na gutpela spirit.

## Buai pulap long Mosbi gen

### I kam long pes 1

Mipela i raun i go lukim holsel maket long Sabusa long Hiritano Haiwe na sampela maket i kam antap long bum get long Laloki long las wik i kam olsem.

Mipela tu i raun long ol setolmen long siti na ol rot sait maket insait long siti long glasim saplai bilong buai.

Ol sampela hap mipela i lukim em: long 9 Mail i gat bikpela buai maket long moning taim na long avinun. Ol sela i kisim planti ol bikpela beg i kam salim long K2 na K5 long wan wan grup.

Long 6 Mail wankain i kamap. Ol i salim 5-pela buai long K2 na 10 long K5. Ol sela i gat planti 20 kilogrem beg. Long 8 mail i wankain ol i salim wanpela long 50t na sampela taim 2pela long 50t.

Sampela ol sela i tok ol nambis lain i hat long kisim i kam tasol mipela ol Hailens i isi long kisim i kam.

Long sampela hap long siti olsem Gerehu, Rainbow maket, Morata, Waigani, Sabama, 4-Mail em i wankain. Ol i salim long grup

na bai yu lukim planti buai beg i slip long sait bilong sela i stap..

Long siti na arere long ol opis, ol sela i raun na salim yet long K1 long wanwan.

Mipela i lukim long bum get long Laloki olsem sampela taim i gat wanpela o tupela polis man tasol i sanap wantaim ol wokman bilong NCD na sekim ol kar.

Tasol mipela i lukiim ol i no sekim olgeta kar i kam aut long Laloki bum get.

Pastiam i bin gat sampela ripot olsem ol sampela polis man na Difens Fos soldia i kisim sas long kisim buai long kar i kam long siti.

Ol sampela sela mipela i toktok wantaim ol i no tok kliia long wanem rot ol i kism buai saplai. Tasol ol i tok em laip bilong ol. Ol i tok pastiam em bin hat tasol nau em i isi long ol i kisim buai saplai.

Lo i tok tambu long salim buai long pablik ples. Tasol olgeta avinun ol sela i salim buailong retfik jem rot long siti.

## Flai Riva na MFRA wanbel long royalti

ROYALTI mani bilong Ok Tedi Main i go long Flai Riva Provinsel Gavman bai go gut nau bihainim wanbel namel long Maunt Fubilan Risos Onas Asosiesen (MFRA) i bin kamap long las wik miting long Kokopo.

Pastaim tupela i no save sanap long wanpela tingting long skelim bilong dispela 50 % (pesen) royalti inap long las wik bihain long rivi bilong Ok Tedi Maining Projek Agrimen long Kokopo.

Dispela agrimen (MoA) i mekim kliia olsem Flai Riva Gavman na MFRA bai kisim 50% - 50% i kam long Ok Tedi Main. Pastaim MFRA i save askim long Flai Riva Gavmasi givim 10% bilong em i go long ol aninit long nem bilong Sta Maunten Lokol Level Gavman (SMLLG).

Tasol nau tupela i wanbel olsem 50 % bilong tupela i ken stap olsem. Tupela grup wantaim i memba bilong Ok Tedi Maining Agrimen.

Wanbel nau i sanap olsem Flai Riva Gavman long makim Sta Maunten LLG bai givim K2 milien long provinsel

baset i go long MFRA olgeta yia long strongim na sapotim wok bilong MFRA.

Insait long dispela K2 milien, bai 10% i go long Sta Maunten LLG na 90% i go long MFRA.

Dispela toktok bilong 10% royalti trense i bin stap long asenda bilong Ok Tedi Maining MoA rivi sampela taim i kam inap long las wik, ol kamap long dispela wanbel.

Eksekutiv Opisa bilong MFRA, Toby Yakumani, i tok ol i amamas long dispela wanbel i bin kamap long stretim dispela toktok bilong royalti na fanding sapot bilong FRPG.

Ekting Westen Provinsel Edministreta, Manise Ronald Dmonai, i tok opis bilong em bai stretim olgeta pepa wok na ol samting long lukim olsem dispela K2 milien i stap insait long 2015 baset plen.

Toktok bilong kamapim Sta Maunten Spesel Pepes Atoriti (SPA) tu bin kamap long dispela bung na olgeta lain insait long dispela MoA olsem Ne-

senel Gavman, FRPG, MFRA na SMLLG bin kamapim. Ol bai wok klostu wantaim Dipatmen bilong Provinsel na Lokol Level Gavman long stretim olgeta wok bilong kamapim dispela atoriti.

Olgeta i sainim wanbel agrimen olsem olgeta toktok na wok long sait bilong lo bai opis bilong Stet Solisita na kliaim pastaim long ol salim go long Nesenel Eksekutiv Kaunsel (NEC) long oraitim na mekim kamap.

Menesing Dairekta bilong MRA Philip Samar i tok kamap bilong Ok Tedi MoA rivi i sanap olsem foapela maining projek MoA i pinis nau na redi long ol papagraun, provinsel gavman na husat pati ken sainim nau long dispela yia. Narapela tripela em Simberi, Sinivit na Tolukuma Main.

Ol arapela MoA we i stap yet long sainim em Porgera na Hidden Veli we planti wok i pinis na redi na Lihir we i stop liklik bikos long IBP toktok namel long ol Lihir grup.

# PNG i mas gat gud gavanens long ai bilong wol: Polye



Memba bilong Kandep, Don Pomb Polye

**Stanley Nondol i raitim**

**INTANESANEL patnasip em i namba wan long kantri bikos wol i nau i stap long long taim bilong Teknoloji. Papua Niugini i mas gat sistem bilong gud gavenens na bihainim ol mama lo bilong kantri long stronim prensip wantaim ol arapela kantri long wol.**

Memba bilong Kandep na pastaim siaman bilong Wol Ben na intanesenel Moniteri Fan, Don Polye i tok PNG i memba bilong wol komyuniti. Na long strongim pren wantaim ol narapela kantri long politik, tred na bisnis, PNG i mas gat gutpela sistem bilong gavman na bihainim lo.

Mista Polye i tok PNG i no kamap open maket yet na kantri i no bikpela long ai bilong wol, na hevi bilong ol fainensel kraises long wol i save kisim ol komoditi kantri i save ekspotim long wol maket.

Mista Polye i tok winmani bilong kantri i kam daun long 30 pesen long 2012/2013. Dispela i lukim winmani i pundaun long K700 milien i kam daun long K500 milien. Na Gros Do-

mestik Prodak (GDP) i kam daun long 4 pesen bihain long prais bilong ol komoditi olsem golo, kopa na arapela i kam daun long wol maket

Em i tok dispela i soim olsem maski PNG em i liklik kantri, em i gat bikpela koneksen long wol.

Mista Polye i tok taim em i stap olsem tresera bilong kantri na siaman bilong Wol Ben na IMF em i toktok wantaim ol bikpela wol fainensel bodi olsem, IMF, Wol Benk, Australian Eid, Yuropien Yunion (EU) na ol arapela long strongim prensip wantaim PNG.

Mista Polye i tok IMF i givim edvais olsem PNG i mas stretim implementesen na gavenens straksa. Na Wol Benk grup na EU bin givim moa sapot long infrastraksa na egrikalsa program.

Em i tok ADB na JICA i toktok long PNG i mas stretim prokumen o rot bilong givim wok kontrak long pablik mani.

Mista Polye i tok as tingting bilong ol dispela toktok wantaim ol arapela kantri em long PNG i mas strongim na stretim rot bilong yusim pablik mani na ol pipel i ken kisim gutpela

sevis long ol mani i kam long ausait, na mani kantri i mekim long ol naturel risos.

Mista Polye i tok bikpela samting PNG gavman i mas mekim em long stretim rot bilong yusim pablik

mani aninit long lo. Eksampel em, givim kontrak wok long mak bilong mani stret, noken givim bikpela o baim bikpela mani long liklik wok.

Em i tok long gat gutpela pren wantaim

intanesenel komyuniti, PNG i mas stretim gud gavenens polisi, stretim pablik sevis long mekim wok bilong gavman polisi na menesim gut ikonomi bilong kantri.

## Airlines PNG balus sot long piul

...Bagarapim wokabaut bilong ol Oro pasindia

**Gilford Kove i raitim**

LONG Julai 10, 2014, wanpela Airlines PNG balus i bin pundaun lo Girua ples balus long Oro, Noten Provins.

As bilong dispela em balus i ran na i sot long piul.

Balus i bin kirap long Nazab ples balus long Lae na i flai i go long Mosbi. Tasol asua i bungim ol we pailot i tanim balus na go pundaun long Girua ples balus.

Ol pasindia bilong Popondeta husat i wok long kam long Mosbi i belhat no gut tru taim wokman bilong PNG Airlines, Terence, i sensim ol pasindia i kam long Lae i kalap long balus we ol pasindia bilong Popondeta i sapos long kalap long en. No gat gutpela tok tok i bin kam long ol wokman bilong Airlines PNG, Popondeta.

Wanpela pasindia bilong Popondeta i tok, "Terence i tok olsem, praim minista bilong Japan i kam na ples balus i bisi. Olsem na balus i kam long Lae bai wet liklik taim pastaim."

Bihain taim kepten bilong balus i tok ol i sot long piul, ol pasindia bilong Popondeta i bin kros moa.

Bihain Terence i bin kisim taim long tok sori olsem em i salim ol pasindia bilong Lae i kalap long balus ol Popondeta pasindia i sapos long kalap long em.

Ol pasindia i bin toktok strong long PNG Airlines i mas painim ples bilong ol long slip.

Tasol Airlines PNG i no bin helpim ol.

Wanpela mama nem bilong em Janet husat i bin misim flait i bin kisim moa long 10-pela pasindia husat i bin misim flait tu long ova nait long famili haus bilong en.

Ol narapela pasindia i bin go bek long famili lain bilong ol.

Long Fraide moning, Terence i wokim pikap long ol pasindia na kisim ol i go long Girua ples long kalap long moning flait i kam long Mosbi.



**KUNDU PACKAGE ACCOUNT**  
**K9.50**  
**ONE STANDARD MONTHLY FEE**

**Individual transaction fees are waived for all**

- ✓ EFTPoS purchase
- ✓ ATM transactions
- ✓ Mobile Banking\*
- ✓ Internet Banking
- ✓ First 6 Branch transactions FREE

\*Standard service fees apply to purchase of EasiPAY and phone Top Ups.

FOR MORE INFORMATION  
 ☎ 320 1212 / 7030 1212 - 24/7  
 ✉ servicebsp@bsp.com.pg  
 🌐 www.bsp.com.pg



# Kairuku-Hiri bai gat nupela polis stesen

**Stanley Nondol**

## HEVI bilong lo na oda long Hiritano haiwe bai go daun taim nupela polis stesin i kamap long Braun Riva long Hiritano Haiwe long Sentrel Provins.

Meba bilong Kairuku Hiri, Peter Isoaimo, i tokaut long las wik olsem gavman bilong em i putim pinis K500,000 long putim wanpela polis stesin long hap.

Dispela nupela polis stesen bai gat 30 wokman na em i moa bikpela long polis stesen long Laloki na ol arapela long distrik.

Mista Isoaimo taim em i lonsim dispela projek i tokim ol pipel olsem gavman bilong em bai stretim hevi bilong lo na oda pastaim, na ol arapela projek bai kam bihain.

Mista Isoaimo i tok komyuniti i no ken gat hevi bilong lo na oda. Ol pipel na visita i mas raun fri long haiwe na i noken pret.

"Taim bilong raskol long komyuniti i mas pinis. Taim bilong blokim rot na sekim ol pasindia na kisim ol samting bilong ol i mas stop.

"Ol yangpela i mas lukluk long ol rot we gavman bilong mi bai sapotim yu long stretim sindaun bilong

yu yet." Mista Isoaimo i tok.

Em i tok Braun Riva i bin wanpela gutpela ples bipo. Ol turis i save kam waswas na raun gut na go bek long siti. Tasol raskol pasin i mekim na ol i ronawe.

"Nau, taim i senis. Yupela ol pipel i no ken stap long laip olsem bipo yupela i save stap. Laip bilong yupela i mas senis na yupela i mas gat gutpela sindaun wantaim meri pikinini.

Ol visita long narapela ple i no ken pret long kam raun long ple sbilong yumi" Mista Isoaimo i tokim ol pipel long Braun Riva.

Mista Isoaimo i tok Braun Riva i givim planti sevis long Mosbi siti. Ol kontrakta bilong ol bikpela kampani i save kam kisim wesan long hia na go wokim ol developmen long Mosbi. Nau em i taim bilong ol pipel long ol i ken sanap strong na kisim ol sampela sevis i kambek long ples.

Yupela i mas stap gut na sapotim mi long kisim gavman sevis i kam long ples. Taim sevis i kam, yupela i mas lukautim ol sevis gut, Mista Isoaimo i tok.

Em i tok hevi bilong lo na oda i mas pinis na komyuniti i mas stap



Meba bilong Kairuku, Peter Isoaimo (raithan) na vais presiden bilong Hiri, Lucian Rove i kisim welkam long ol Goilala danis lain long Brown riva long taim bilong lonsim nupela polis stesen las wik.

gut na lukim ol narapela developmen olsem edukesen, helt na ol arapela bai kam bihain.

Mista Isoaimo i tok i gat planti komplek olsem Braun Riva em i ples bilong raskol.

Olsem na em i salensim olpipel long senisim dispela nem no gut na olgeta pipel long kantri i mas raun fri long Hiritano haiwe.

Wankain taim, ol lida bilong distrik, na ol pipel i tok ol i sapotim dis-

pela projek na laikim gutpela sindaun.

Ol viles lida wantaim ol kansel presiden i salesim ol pipel long lukautim ol gavman sevis olsem nupela polis stesen.

## SSG mani i no wok gut

**Stanley Nondol i raitim**

DIPATMEN bilong Nesenel Plening na Monitering i tok em i gat wari olsem ol provinsal gavman na distrik i gat maining i no yusim gut ol Spesol Sapot Gren(SSG) long mekim wok stret long ol pipel bai kisim sevis.

Dispela mani em gavman i save givim long wanwan yia long mekim ol wok insait long ol maining provins. Dipatmen bilong Nesenel Plening na Monitering i save lukautim dispela SSG mani.

Long dispela yia gavman i givim namel long K50 milienna K60milienn long ol maining provins.

Progrem plena bilong maining Mark Goiye i tok gavman i givim bikpela milien kina long planti yia tasol ol wokman long provinsal gavman na distrik i no save long wanem rot bai ol i yusim ol dispela mani.

Planti taim ol wokman i save paul long yusim mani na ol i save larim istap. Na sampela taim ol i yusim long arapela rot.

Ol wokman bilong provinsal gav-

man i stap bipo i no soim ol rot bilong yusim SSG mani long ol nupela wokman. Dispela lukim ol i paul yet long rot bilong yusim SSG mani.

Mista Goiye Mista Goiye i tok dispela Spesol Sapot Gren mani em bilong ol distrik na provins i gat maining long yusim long ol projek insait long distrik na provins i gat maining tasol. Na i no long ol narapela hap.

Dipatenen i painimaut olsem dispela i no save kamap long planti yia na em i bikpela wari nau bikos planti milien kina gavman i save givim long wan wan yia i no save go long mekim wok bilong em stret.

Mista Goiye i tok long dispela as nau sampela taim ol distrik na provins i no kisim mani bilong SSG.

Dipatenen bilong Nesenel Plening na Monitering bai go long ol provins na distrik na skulim ol distrik na provinsal gavman opisa long ol gaidlains o rot bilong yusim SSG mani.

## Buai tambu i no wok ...i mas gat kontrol

**Gilford Kove i raitim**

MASKI Nesenel Kapitel Distrik (NCD) Gavana, Powes Parkop, i putim tambu long salim buai long ol pablik ples na long ol maket insait long Mosbi sit, salim buai i got het strong yet.

LongJulai 12, ol wokman bilong NCD i klinim Godens bas stop na maket ples, ol man meri i go het na salim buai yet.

Maski lo i stap, ol pablik tu i baim buai na kaikai long wokples, insait long bas na ausait long opis.

Ol loman olsem ol polisman i kaikai buai na mekim wok.

Dispela i no helpim long buai ben o buai tambu long Mosbi siti.



Planti bikpela senta tu i lukim olsem buai spet na skin i bagarapim ol ples.

Ol pablik tu i mas kontrolim kaikai bilong ol long ol wok ples na pablik hap we bai lukim siti i luk klin.

Piksa i soim buai long Gordons bas stop bihain ol NCD wok man i klinim ples.

## Minista Pato tok sori long Australia

FOREN Afeas Minista bilong Papua Niugini, Rimbink Pato, i tok sori long Foren Afeas Minista bilong Australia, Julie Bishop, long 27 manmeri bilong Australia i lusim laip long balus bilong Malaysia we i bin pundaun long kantri Ukraine long Yurop.

Wol nius i bin givim ripot olsem ol rebel bilong Russia i sutim balus i go daun wantaim misail.

Minista Pato i bin tok sori long Minista Bishop long wanpela bung bilong tupela long Australia.

Minista Pato i salim tok sori bilong em i go long gavman na ol pipel bilong Malaysia na tu long ol arapela kantri olsem Netherlands husat i bin lusim planti laip.

Em i tok ol dispela kantri i save wok pren gut tru wantaim Papua Niugini, na long dispela as, yumi long Papua Niugini mas soim sapot na bel sori long dispela taim.

Minista Pato i tok gavman bilong Papua Niugini bai sapotim Yunaitet Nesen (UN) na ol arapela intenesenel ogenaisesen long go het long mekim wok painim aut long painim as bilong dispela bagarap, na tu, givim mekim save long ol dispela manmeri o grup husat i kamapim dispela bagarap.

## Man i mas go pas long famili plening – Dokta Geita

**James G. Kila i raitim**

TEKNIKAL edvaisa wantaim Maternal Helt long Nesenel Dipatmen ov Helt, Dokta Lahui Geita i laikim olsem ol man i mas go pas long famili plening.

Dokta Geita i mekim dispela toktok las wik long sait long famili plening na wanem samting ol man olsem papa bilong famili i mas save na wokim.

Dokta Geita i tokaut olsem pastaim ol man i no save tingting tumas long famili plening. Tasol nau taim Helt Dipatmen i luksave

olsem ol man em i gat bikpela wok long olgeta famili plening bikos ol i het bilong famili, planti man i save nau olsem famili plening i mas kamap namba wan samting.

Dokta Geita i tok tu olsem ol meri save hatwok tru na pilim planti bikpela pen taim ol i karim pikinini, olsem na ol man bilong ol i mas volantia na givim ol yet long pasin bilong spesim pikinini.

Em i bin mekim ol dispela strongpela toktok long wanpela trening woksop bilong ol helt woka, long Madang long las wik, planti bilong ol lain i stap long trening em ol i



mid-waif .

Bikpela as-tingting bilong dispela woksop o trening em long bringim

ol non-gavman ogenaisesen (NGO) long wok klostu wantaim Helt Dipatmen long bringim famili

**Man i mas go pas long gutpela famili na kamapim gutpela sindaun.**

plening sevis i go long ol manmeri. Sista Sion Dage, bilong Marie Stoppes, i tok olsem ol lain husat i stap long woksop bai mekim wok raun i go long ol ples insait long provins long dispela wok olsem hap bilong trening bilong ol.

Ol bai bungim ol pipel na toktok long long sait bilong famili plening na wanem rot ol i ken yusim long helpim ol yet wantaim famili bilong ol.

Sista Dage i tok, Marie Stoppes save wok klostu wantaim sampela komyuniti long Madang insait long las tripela yia nau na bai ol i go het long mekim wok bilong helpim ol pipel.

# Yusim DSIP mani gut – Gazelle MP i tok



: Mista Martin Potape, i givim ripot i go long Ekting Sekreteri bilong DIRD, Paul Sai long Mosbi.

**OL Distrik na ol provins bai kamap gut sapos ol provinsal na distrik edministresen i bosim gut ol mani bilong Distrik Sevis Impurven Program (DSIP).**

Minista bilong Transport na Memba bilong Gazelle, Malakai Tabar i bin mekim dispela toktok long taim em i bin prisenim 2013 DSIP akwital ripot bilong em i go long Dipatmen bilong Implementesen na Rurel Developmen (DIRD) long stat bilong dispela mun.

Mista Tabar i tok mani bilong DSIP program em i karamapim olgeta mani bilong bringim sevis long sosol na iekonomik developmen insait long Gazelle distrik bilong Is Nu Briten.

“Gavman i putim bikipela mani i go long ol distrik na LLG na sapos ol i save yusim gut, ol

distrik bai lukim planti senis i kamap long senisim tru laip bilong ol pipel,” em i tok.

Em i tok strong long ol pablik sevan husat i stap long distrik long ol i no ken slek long mekim wok bilong ol projek na program.

“I luk olsem ol wokman i no bisi long kamapim wok gut. Ol i laikim hap mani bilong ol tasol, na olgeta taim bai ol i brukim lo na i no bihainim ol gaidlain. Em i bikipela samting long bihainim ol gaidlain long mekim gutpela wok bilong projek na program long kliapela we,” Misa Tabar i tok.

Em i tok Dipatmen bilong Nesanel Plening, Treseri na DIRD i mas wok bung wantaim long olgeta distrik na provin-sel atoriti i mas bihainim gut ol Pablik Fainens Menesmen Ekt

Fainens Instraksen na PSIP/DSIP/LLGSIP edministretiv gaidlain.

Em i tok tu olsem DIRD i mas gat inap mani long mekim wok bilong monitaim na oditim ol PSIP, DSIP and LLGSIP gren.

Gazelle em i wanpela model distrik long Is Nu Briten. Em i gat bikipela namba populesen insait long provins i karamapim hap populesen bilong provins.

Na tu, 18 pesen bilong olgeta gavman na non-gavman institusen long provins i stap long dispela distrik. Ol institusen olsem Vudal UNRE, PNGIPA, CCI, NARI, Kerevat CIS, Gaulim Tis Koles, tupela TVET skul, Kerevat Nesanel Hai Skul, tripela sekendri skul, wanpela FODE senta na wanpela rurel haus sik.

Distrik Edministreta,

Ronald Midy i tok olsem Gazelle distrik 5 yia developmen plen 2013-2017 em i rot bilong karim wok bilong sosio-ekonomik insait long 5 yia i kam.

“I gat bikipela wok long karim aut dispela plen bilong yusim bikipela mani tru olsem K640.5 milien,” em i tok.

“Mipela long distrik i hop bai K87.5 milien i kam long DSIP, PSIP na LLGSIP insait long 5-pela yia, tasol bikipela hap bilong en bai kam long Pablik Invesmen, na long sapot bilong ol dona,” Mista Midy i tok.

Distrik i brukim K10 milien alokesen olsem; eminstresen K1 milien, helt K2 milien, edukesen K2 milien, iekonomik K1 milien, lo na jastis K1 milien na infrastraksa K3 milien long karimaut ol ki sekta program long distrik.

## KOMO LLG namba wan long givim LLGSIP ripot

KOMO Lokal Level Gavman (KLLG) insait long Komo-Magarima district bilong Hela Provins i givim pinis 2013 LLGSIP akwital ripot bilong K500, 000 i go long Dipatmen bilong implementesen na Rurel Developmen (DIRD) long dispela mun.

KLLG i namba wan LLG insait long Komo-Magarima district long givim LLGSIP akwital ripot bilong en.

Presiden bilong Komo LLG na Deputy Gavana, Thomas Potape, i amamas tru long givim fainensal ripot bilong em long soim rot bilong opim rot bilong ol 2014 LLGSIP developmen gren i ken kam hariap long mekim wok developmen bilong LLG bilong em.

Mista Potape i tok Komo LLG em i papa bilong PNG LNG projek stret bikos moa long 80 pesen bilong ol ges bai kamaut long graun bilong PDL 1, Hides PDL 7 na sampela hap bilong Agore PDL 8.

Em i tok tu olsem intenesenel ples balus bilong PNG LNG em i stap long Komo. Em i bosim planti developmen gren i kam long PNG gavman na Exxon Mobile long wokim ol projek na ol program long bringim bikipela sevis long ol pipel bilong em.

Mista Potape i tok namba wan sip i karim namba wan LNG gago na i lusim Papua Niugini pinis long go bringim lait i go long narapela hap bilong wol, na bilong bringim bek bikipela mani royalti, ikwiti na infrastraksa long ol papa graun, distrik, provins na kantri.

“Komo LLG i gat bikipela posisen insait long kantri bikos em i bosim dispela bikipela K45 bilien PNG LNG invesmen projek bilong Exxon Mobi. Na ol invesmen patna bilong ol olsem gavman bilong Papua Niugini husat i putim klostu long K9 bilien long kisim 22.5 pesen sea bilong em i kam long Oil na Ges Ekt bilong 1998,” em i tok.

Taim em i givim dispela namba wan akwital bilong K500, 000 LLGSIP Deputy Gavana i tok em i stat bilong planti moa developmen gren bai kam na olsem lida em bai yusim long ol projek na program na gen em bai givim ripot bilong ol bihainim ol lo bilong gavman.

Komo LLG em i sab-distrik hetkwota na i gat 24,440 populesen na graun sais bilong em i 1,046 skwea kilomita.

I gat sampela moa projek we i no pinis yet tasol olgeta samting bilong wok em ol i baim pinis na i wet tasol long wok.

Ol dispela projek em; Hanago etpos – K205,000.00, Haus bilong Komyuniti senta long Kangu Wod K100,000.00, Haus kapa bilong 4-pela kot haus long Pauda, Mindirate, Para na Yandare wod aninit long Lo na Oda sekta, K40,000.00, Ol sid na kes krop long helpim ol fama aninit long iekonomik sekta -

K20,000.00, Riabilitesen bilong Kopi long Kukupalu wod aninit long iekonomik sekta K20,000.00, Wokim etpos long Agu Wod aninit long Helt sekta K80,000, na aninit long edukesen sekta, klasrum long Atare na Pami wantaim K80,000.00.



Domestik vailens i ken kamap long ol manmeri nabaut, maski sapos yu man o meri, o wanem kala bilong skin, o ples bilong yu, o hamas mani yu gat. Dispela hevi i no save kamap long PNG tasol, domestik vailens i save kamap long ol arapela kantri long wol. Em i bagarapim ol famili na komyuniti na laip bilong ol pikinini tu long bihain taim. Ol stadi i soim olsem ol pikinini meri husat i kam long famili we i gat domestik vailens na sapos ol i no kisim helpim, bai ol tu inap bungim ol hevi long laip bilong ol long taim ol i kamap bikipela. Wankain tu, sapos ol pikinini man i lukim domestik vailens oltaim bai ol tu i mekim wankain pasin nogut long taim ol i kamap bikipela man.

I no longtaim i go pinis, gavman bilong PNG i kamapim wanpela lo ol i kolim Famili Proteksen Lo na dispela lo i tok domestik vailens em i wanpela kriminal pasin. Aninit long dispela lo, ol arapela pipel olsem ol famili memba o ol lain i stap klostu, i ken ripot long polis sapos i gat hevi bilong domestik vailens i kamap. Dispela nupela lo i givim kain helpim olsem we ol polis i gat pawa long rausim husat i kamapim trabel long haus. Dispela lo em i wanpela gutpela samting long ol rot bilong pinisim domestik vailens long PNG.

Wanpela nogut pasin domestik vailens i save kamapim em long mekim ol meri o man husat i bungim dispela hevi i save pilim olsem ol i stap ol yet na i no gat narapela man o meri bai helpim ol. Olsem na ol grup na sivil sosaiti i mas bung wantaim na mekim wok bilong helpim ol. Ol meri (na man tu) i no ken ting olsem olgeta lain i givim baksait long ol. Long taim yumi bung wantaim long kamapim awenes long dispela hevi, o kirapim ol program, o toktok long kamapim lo bilong helpim ol lain i bungim dispela hevi, na givim bikipela mekimsave long husat i kamapim hevi, bai i gat sans long kamapim gutpela sindaun gen.

I tru olsem i gat ol ripot i save kamap long domestik vailens long ol meri na pikinini, tasol planti lain i no givim ripot, ol i haitim dispela pasin bilong domestik vailens. Hevi bilong domestik vailens em i wanpela samting planti lain i no save laik toktok long en, na tude planti famili na komyuniti i no save bisi bikos ol ting em i “normal”. Stori bilong ol ripot i soim olsem namel long olgeta tripela meri long Papua Niugini, tupela bilong ol bai bungim hevi bilong domestik vailens long laip bilong ol.<sup>1</sup>

Insait long dispela faipela yia mi stap na wok hia long Papua Niugini, mi bin amamas long bungim planti strongpela meri. Ol dispela meri i luksave long ples bilong ol, tasol ol i nidim liklik helpim long senisim laip bilong ol yet na bilong ol arapela tu.

Hia long ExxonMobil PNG Limited mipela i wok long givim skullong ol woklain bilong mipela long ol samting i save kamap long taim domestik vailens i kamap. Mipela i toktok long ol wokmanmeri bilong mipela long luksave long dispela hevi na stretim rot bilong ol long kisim konfidensel kaunseling sevis aninit long Employee Assistance Program bilong mipela.

Bihain long gavman bilong PNG i kamapim dispela Famili Proteksen Lo, moa manmeri long PNG i wok long sanap strong na autim tingting bilong ol nau long stopim dispela pasin nogut. Inap planti yia nau, ol Sios na NGO i wok long helpim ol meri na pikinini husat i save bungim hevi bilong domestik vailens olsem na dispela lo bai helpim wok bilong ol nau.

Mi laik yumi olgeta i kisim moa save long wanem samting i save kamapim dispela hevi na ol bagarap domestik vailens i save kamapim na bai yumi inap pinisim dispela pasin nogut. Em i taim nau bilong senisim pasin na tingting bilong yumi long hevi bilong domestik vailens. Yumi mas bung na wok wantaim long kamapim gutpela senis hia long PNG.

Gutpela de!

Mi laik harim tingting bilong yupela, na sapos i gat sampela samting yu laik ritim long dispela kolum, plis salim email i kam long mipela long [pnglngproject@exxonmobil.com](mailto:pnglngproject@exxonmobil.com) o lukim mipela long [www.pnglng.com](http://www.pnglng.com).

1. Dispela namba i kam long ol ripot bilong ol NGO na ol savemanmeri. Ol dispela ripot i tok olsem em i no isi long painimaut namba bilong ol man o meri husat i kisim bagarap long Famili Vailens long PNG. Ol i tok tu olsem dispela namba i antap moa.

# Ol poto bilong Malesia balus MH17 ol rebel bilong Yukrain i sutim na kres long ples Grabovo insait long isten Yukrain...



Kago bilong balus i kres...Ol Poto: ABC News



Hap bodi bilong balus i kres.



A pro-Russian separatist i holim wanpela doli long ples balus i kres.



Frisa tren i karim ol dai bodi bilong balus i kres long rel-we bilong ples Torez long Yukrain taun..




Tok pogiv pepa na flawa long fran bilong Embasi bilong Moskow long Australia..



Wilwil bilong balus i kres..



Ol kago bilong dai pasindia i silip arere long ples bilong birua.



Dispela Balus bilong Malesia MH17 i lusim Amstadem na go kres long Yukrain taim ol rebel i pait egens Rasia i sutim roket i go long em. 298 pasindia i dai long dispela birua.

# Ol trening teknisen bilong katim lewa go trening



Hat lang masin teknisen (Perfusion)Treni Alex Tipiso (han kais) na Norman Kambo (han sut) long Jackson intenesenel Epot Teminal pastaim long ol i kalap long balus long Sarere.

TUPELA trening teknisen bilong katim lewa masin i go pinis long kisim trening long Singapore.

Dispela em i hap bilong wok bilong Pot Mosbi Jeneral Haus sik long kamapim wanpela lokal speselis Kadiotoretic Sejeri Yunit (Cardiothoracic Surgery).

Pot Mosbi Jeneral Haus sik na Operesen Open Hat Program i stretim rot bilong tupela teknisen long go kisim trening long Nesnel Hat Senta (NHC) long Singapore.

Tupela trening teknisen bai lainim long ranim hat-lang masin, we ol i save yusim long taim bilong open hat sejeri.

Tupela i bin lusim Pot Mosbi long Sarere i go pinis. Skul bilong tupela bai i go inap 12-pela mun.

Enuel Open hat tim bilong Australia i bin kam long mun Ogas las yia na bihain long Novemba ol i bin salim wanpela tim i kam long PNG na ol i bin katim lewa bilong ol lain i gat sik long lewa.

Singapore NHC i sapotim yet dispela program long baim ol trening fi bilong tupela trening teknisen. i gat bikpela nid i stap yet long moa helt wokman meri olsem ol nes na dokta long go kisim speselis trening long ovasis.

Em i gutpela long ol teknisen na dokta na nes i kam long ovasis long helpim yumi tasol yumi mas helpim yumi yet tu. Yumi mas i gat ol speselis woka bilong yumi yet long mekim ol operesen bilong ol lain husat i no nap long gat mani olsem K200,000 o moa long go ovasis long kisim spesel tritmen.

Open Hat program i tok tenkyu long Wewak Jeneral na Goroka Provinsel haus sik menesmen long larim tupela wokman bilong ol long go kisim dispela trening. Open hat program laik tenkim tu ol spona, sapota na ol pren bilong OOH long gutpela sapot bilong ol yet.

# Wanpela yangpela i nidim helpim long ausait



Mis Kevlynn Charisma (han sut) i sindaun wantaim mama bilong em Josie Pitzz Komun long taim bilong fan resing long Sande las wik insait long Getwe Hotel. Poto: Frieda Sila Kana

## Frieda Sila Kana i raitim

**KEVLYNN Charisma Komun i nidim, K150,000 long go long Manila, Filipins, long stretim hat (lewa) bilong em.**

Las wik, Wantok Niuspepa i bin ranim wanpela stori bilong dispela yangpela meri em i gat sik long lewa na ol famili bilong em i laik salim em i go long ovasis, tasol i no gat inap mani.

Mama bilong Kevlynn i tokim Wantok niuspepa olsem pikinini gel bilong em bai nidim K150,000 stret long stretim lewa bilong em long haus sik long Manila, Filipins.

Papa bilong Mis Kevlynn Charisma Komun, Kevin Komun em i bilong Westen Hailans na mama bilong em i bilong Hela Provins. Long taim em i gat 8-pela krismas ol dokta i bin painim aut olsem em i gat dispela sik 'Rumatik Hat Disis'.

Long dispela taim i kam inap nau, em i save kisim wanpela spesel penisilin marasin long holim laip bilong em. Em i wanpela pesen bilong

Sir Buri Kidu Hat Faundesen long Mosbi Jeneral Haus Sik.

Mis Kevlynn em i gat 19 krismas na em i wokim Gred 12 long Paradais Hai Skul, tasol klostu long pinis bilong las yia em i bin kisim bikpela sik. Taim mama na papa bilong em i lukim dispela, ol i kisim Kevlynn i go kwiktam long Manila long sekap.

Ol dokta long Manila i tok em i mas senisim hat pam bilong em hariap, no gat bai wara no gut bilong lewa bai daunim em insait.

Taim mama bilong em i harim dispela, em i lusim wok bilong em na i stat long wokim fan resing long painim mani long stretim lewa bilong pikinini bilong em.

Dispela fan resing long Gateway Hotel long las Sande i lukim planti ol famili, na ol pren i kamap long na sampela bikman bilong gavman na ol bisnis haus tu i kamap na givim sapot bilong ol. Wanpela gutpela wantok em promis long baim tu we tiket bilong papa bilong Kevlynn, Kevin Komun husat i wanpela sels man bilong kar long Boroko Motors

Ltd.

Moa long 2,000 manmeri na pikinini i bin kamap long dispela bung na givim sapot. Ol Gwadu Ben bilong Pot Mosbi i pilai ol na givim gutpela musik long olgeta lain tasol ol i no sasim famili long dispela.

Minista bilong Fainens na mamba bilong Tari-Pori, James Marape na famili bilong em wantaim John Pundari, Minista bilong Envairnmen na konsevesen I bin stap tu wantaim ol lain bilong em long givim sapot.

Mista Marape i promis long helpim wantaim K30,000.00 na Gavana bilong Hela, Anderson Agiru i promis long givim K20,000 na ol narapela lain tu i givim sampela tok promis long helpim tu.

Ol dokta long Manila bai rausim na senisim lewa bilong Kevlynn wantaim wanpela masin ol i kolim 'maitro valv'.

Mama bilong em Josie i tok, ol laik go hariap nau samting olsem namba wan wik bilong mun Ogas olsem na ol i nidim dispela mani hariap tasol.

## ExxonMobil helpim Hela misels rispons



Ol woklain bilong ExxonMobil i givim ol marasin na matres i go long Tari Jeneral Haus sik.

EXXONMOBIL PNG Limited (EMPNG), mama kampani bilong PNG LNG Projek, i helpim Tari Jeneral Haus sik wantaim medikal saplai bilong helpim ol long daunim namba bilong sik misels long provins.

Menesing Dairekta bilong EMPNG, Peter Graham i tok dispela donesen em bilong helpim ol long daunim bagarap bilong sik misels nau i stap pinis long Hela provins.

"Dispela donesen bai helpim ol atoriti na medikal woklain long mekim wok bilong daunim sik misels gut. Mipela givim 8-pela frisa bilong putim ol sut marasin, planti tausen sut na marasin na vaitamin A kepsul na moa long 60 matres bilong slip," Mista Graham i tok.

"Mipela i stap klostu long Hela olsem na mipela i laik helpim long

daunim dispela sik," em i tok.

Gavana bilong Hela Provins, Anderson Agiru amamas na i tok tenkyu long helpim bilong EMPNG.

"Sik misels long provins i givim hevi long helt wok na mipela i laik mekim olgta kain wok long daunim dispela bagarap. ExxonMobil PNG Limited, em i wok poroman bilong mipela na em tu i helpim long daunim dispela sik na mi laik tok tenkyu long ol i helpim wantaim o medikal ikwipmen na ol marasin na banis samting insait long dispela wik," Mista Agiru i tok.

Wantaim dispela helpim i kam long provins, EMPNG i wok long givim klinikal sevis na tok save long ol wok lain bilong em husat i save stap na wok insait long Hela long rot bilong abrusim o daunim sik misels.

# FARM TRACTORS

- 120hp
- 90hp
- 70hp
- 50hp
- 40hp

AGMARK MACHINERY WILL NOT BE BEATEN ON PRICE

\*Photo for illustration purposes only

- Slashers
- Disc Ploughs
- Disc Harrows
- Post Hole Augers
- Trailers

CONTACT YOUR NEAREST AGMARK MACHINERY BRANCH AND ASK ABOUT THE CURRENT PROMOTION ON FARM MACHINERY PRICING

PORT MORESBY: 323 2658    Digicel: 7215 0333 / 7217 9815  
 LAE: 472 6324    KOKOPO: 982 8748

[machinery@agmark.com.pg](mailto:machinery@agmark.com.pg)



# Lae Biscuit tok, em Toti taim

**B**IKPELA bisket kampani insait long PNG ol kolim Lae Biscuit i kamapim wanpela nupela kreka bisket we i joinim ol Snax famili. Ol kolim Snax Toti we i gat bif na tomato teist long en.

Dispela prodak i joinim Snax chicken, beef na kokonas fleva. Tasol Toti i narakain liklik long ol susa bilong em bikos em gat blak na ret kala wantaim piksa bilong tomato long paket. I gat faivpela kreka insait long paket na em makim stret ol lain husat gat 12 krismas go inap long 40 krismas. Em Toti taim.

Mani bilong yu i no lus nating bikos em bikpela paket we i gat inap bisket bilong ol famili o ol skul mangi ken kaikai wantaim long skul ples.

Lae Biscuit i stap long olgeta hap bilong kantri we ol bakstua, ol stua, supamakem na ol liklik tred stua i

save salim. Ol skul, kolis, yunivesiti na long maining hap na long eria bilong ol risos kampani tu i save kaikai dispela bisket.

Fektori na het opis bilong em long Lae siti na ol save salim ol bisket bilong ol i go long ol sels opis long Mosbi, Hagen, Madang, Rabaul, Goroka, Kimbe na Buka.

Ol Lae Biscuit prodak save gat planti lain i bihainim em insait long Papua Niugini long bipo yet taim kampani bin stat long 1975.

Em wanpela kampani tasol husat save wokim Lae Biscuit Co, Navy Biscuit na Snax Fleva Kreka insait long PNG. Ol arapela fleva ol save putim long mekim bisket i gat teist i save kam long Australia.

Lae Biscuit kampani i wok long groa moa na strong na i lukluk long hap olsem ol Pasfik kantri long bihain taim.



# It must be Ramu For Quality For Taste For PNG





# Moa yangpela meri kamap Komyuniti Helt Woka

AUSTRALIA Awod program i bin helpim 17 Papua Niugini long greduet wantaim Setifiket bilong Komyuniti Helt Wok las wik Sarere long Sen Gerard Komyuniti Helt Woka koles long Sentral Provins.

Ol dispela yangpela meri i namba wan lain aninit long program Australia Awod long pinisim Setifiket bilong Komyuniti Helt Wok long kantri.

Australia Awod Pasifik Skolasip program i bin stat long 2012 na em i save helpim 450 Papua Niugini olgeta yia long stadi long wok bilong nes, midwaif na komyuniti helt wok long Papua Niugini.

Dispela program i wok long helpim Papua Niugini long kamapim moa lain wantaim save bilong wok long helt sekta. Em i save lukluk moa long



**Sampela tupela meri i greduet wantaim Helt Woka Setifiket i sanap wantaim prinsipal bilong skul long Sen Gerard Helt Woka Trening Koles.**

sapotim ol yangpela meri sumatin bilong Papua Niugini.

Ol i laik helpim moa ol yangpela meri husat i kam long ol rurel eria na taim ol i pinisim skul, ol bai i wok long helpim helt sekta wok long ol komyuniti bilong ol yet.

Ol lain sumatin husat i gat mak inap long go insait long dispela program i save kisim skolasip.

Dispela skolasip bai sapotim ol long ol stadi bilong ol inap long ol i ken kisim kain kwalifikesen o pepa olsem Bachelor bilong Midwiferi, Diploma o Bachelor bilong Nosing, o Setifiket long Komyuniti Helt Wok long wanpela bilong ol 22 helt institusen long Papua Niugini we i patna wantaim Australia Awod Pasifik Skolasip program.

## Man Bena i ken samap



**YES OL MAN TU I KEN SAMAP** – Na maski sapos em i wanpela egrikalsa fama, Lemek Buni i painim narapela rot long samapim ol klos, salim na sapotim 6-pela pikinini na meri bilong em. **Poto: Sape Metta**

### Sape Metta i raitim

NO KEN ting olsem samap em wok bilong ol meri tasol, ol man tu i wok long lainim samap na stat long wokim bisnis long dispela wok.

Wanpela man long Isten Hailans, Lemek Buni bilong Kokinaga hauslain long Bena Bena distrik i kamaut, na soim save bilong samap long taim Mercy Works wantaim ol patna bilong em i bin kamap long selebretim 'Intanesenel De bilong Eksen Egens Women Helt long Pis Pak long Goroka.

Buni em i wanpela egrikalsa fama husat i gat fam bilong painap (ananas) na ol arapela gaden kaikai long ples bilong em. Taim em i save wok long fam bilong en, em i save kisim tingting tu long kamapim ol narapela samting.

Dispela tingting i no save stop. Nogat. Wanpela taim long las yia, em i go raun long Goroka taun na harim olsem Mercy Works i save lainim ol man na meri long mekim kain kain wok bilong self rilaiens o mekim ol wok long helpim yu yet, na kamapim gutpela sindaun. Samapim ol klos ol i wanpela long ol trening em Mercy Works i save givim.

Buni i tok, dispela em i driman bilong em, olsem na em i go stret long Mercy Works opis na putim nem bilong em long kisim skul na trening long lainim pasin bilong samapim ol klos.

Em i tok, insait tasol long sotpela taim em i kisim ol skil o save bilong disainim, katim na samapim ol klos bilong ol meri.

Buni i tok, bihain long em i kisim trening, em i go

bek long ples na stat long samap na salim ol klos long ol meri na mama long ples, na tu em i save bringim ol klos i go long Goroka taun na salim.

"Mi amamas olsem em i wanpela nupela samting mi lainim long en, na em i wok long helpim mi long planti wei long peim ol skul fi bilong ol pikinini, baim ol kaikai na ol arapela samting we ol famili i save i nidim," Buni i tok.

Em i mekim bikpela tok amamas i go long Mercy Works long dispela trening bilong samap em i kisim.

Nau yet bihain long 5 o 6-pela mun bilong opere-sen, Buni husat i gat 6-pela pikinini i kisim pinis planti kastoma i save kamap na baim ol klos bilong em.

Bikpela tingting bilong em nau em long disainim na samapim ol trausis na siot bilong ol liklik na bikpela man.

# Santu Ann Vokesenal helpim ol yangpela meri



**Ol yangpela meri skul long St. Ann's Vokesenal skul i holim Wantok niuspepa na niusleta bilong Ramu Garamut.**

### James G. Kila

**WANPELA vokesenal senta bilong ol meri long Alexishafen long Not Kos Rot (NCR) long Madang i save givim gutpela trening long ol yangpela meri long lainim ol laip skills.**

Ol yangpela meri lainim long kukim kaikai, samapim ol klos na ol arapela naispela samting.

Dispela vokesenal trening skul em Katolik Sios i ranim, na ol meri sumatin i save lainim

planti gutpela skul long laip na tu long Baibel.

Dispela niusman i bin mekim wok raun i go long Alexishafen long las wiken na i givimaut sampela Wantok Niuspepa na tu ol megesin bilong Ramu NiCo long ol dispela meri sumatin na ol i amamas tru.

Planti ol dispela meri sumatin i kam long planti hap bilong Madang provins na tu long ol arapela Katolik peris insait long kantri.

Dispela vokesenal skul bilong ol meri long bipo yet i save

givim gutpela skul na trening long ol yangpela meri long olgeta hap bilong Madang provins, na i lukim sampela skul meri nau i mekim ol gutpela wok long ol Kristen institusen long Madang na long PNG.

Planti ol sumatin meri i tok ol i amamas long gutpela skul na trening ol i kisim long St Ann's Vokesenal Senta, bikos dispela ples i stap long naispela eria we i no gat nois na ol sumatin i amamas long stadi, beten na plenim ol samting long laip bilong ol long bihain taim.

**PNG POWER Ltd**

**TOK LUKAUT LONG STRONGPLA WIN NA OL PAWA LAIN I PUNDAUN**

**PNG Pawa (PPL) I TOKSAVE LONG GENERAL PABLIK LONG STAP LONG WE LONG OL PAWA LAIN NA PAWA POS LONG DISPELA TAIM BILONG REN NA WIN. NOKEN GO KLOSTU, NOGUT PAWA LAIN ISTAP LAIF YET NA IKEN KILIM YU.**

**SAPOS YU STAP LONG NCD O OL PLES KLOSTU RINGIM IMEJENSI NAMBA 343 4774 O MOBAIL NAMBA - 7189 1000, 7198 1001, 7198 1002 NA 7198 1003 LONG OL PNG PAWA LAINSMAN LONG LUKLUK LONG PAWA LAIN I PUNDAUN STAP.**

**SAPOS YU STAP LONG OL AUTSAIT SENTA, PLIS RINGIM PNG PAWA OPIS ISTAP KLOSTU LONG YU.**

# Singsing bilong givim biknem long Bikpela

DAVID Digisarimo i paitim grin-pela gita bilong em na holim olsem em i wanpela pikinini.

“Wantaim singsing bilong mi, mi plim olsem God i stap klostu long mi na i holim mi. Dispela em i strongpela piling,” Digisarimo i tok.


Yusim musik long komyuniket-im ol trupela tok bilong Bikpela long Baibel i hap bilong Kristen laip long bipo yet taim David i no holim gita yet.

Nau, David i wok long Gwahatike tokples grup long Madang Provins long tanim na raitim tu ol singsing lotu.

Em i tok em i no wanpela long ol lain i tanim tok, tasol God i save tanim.

David i bin statim wok long raitim ol singsing lotu taim wanpela man Korea bilong tanim tok bilong God i go long Tokples Gwahatike i bin wokim Baibel stadi skul na askim em long go joinim ol.

Lukim ol wok bilong David long ol dispela poto;



Gita we David i pilaim na Ol pipel i selebretim wanpela lotu wok long Gwahatike, Madang. *Ol Poto na stori:* Tim Scott

## Rot long daunim hevi kantri i bungim nau

PASIN bilong pogiv we santu Maria Goretti i gat i salensim peibek system we yumi long PNG i gat,” Bisop Rochus Tata-mai MSC bilong Bereina Daio-sis i tok olsem insait long wanpela bung long Divain Wod Yunivesiti (DWU) long Madang.

Rot we ol bin kilim dai dispela yangpela Santu bilong kantri Itali, Maria Goretti i gat 12-pela krismas taim wanpela man i bin kilim dai em long yia 1902 i autim wankain piksa long ol sosel hevi PNG i stap long en tude.

Maria Goretti i bin stap olsem wanpela turangu, i no gat skul bilong em, tasol em i yangpela pikinini meri bilong lotu. Laip na stap bilong em taim em i pikinini i no bin gutpela bikos em i karim hevi long sait bilong vailens na tu dai we wanpela pren bilong famili i kamapim long en.

Bisop Rochus i tok ol santu manmeri i gat strongpela pasin bilong abrusim na tok no gat long ol pasin no gut na sin pasin

na tu, ol i save long pasin pogiv o lusim tingting long asua bilong husat i wokim rong long ol. Dispela i wankain long Santu Maria Goretti.

Long yia 2006, ol i makim Santu Maria Goretti olsem petron santu o was santu bilong ol Katolik Dispela i wankain long Santu Maria Goretti.

Long yia 2006, ol i makim Santu Maria Goretti olsem petron santu o was santu bilong ol Katolik yut bilong PNG na Solomon Ailan. Dispela em bi-hain ol sios lida i kisim tingting na toktok bilong planti lain husat laik lukautim ol rait bilong ol pikinini meri.

Ol santu i salensim tu ol sosel prektis i no go gut wantaim ol Kristen velyu.

Lukim keis bilong Bleset Peter ToRot, santu man Tolai bilong Is Nu Briten we ol soldia bilong Japan i bin kilim em long 1945 taim em i wanpela yangpela Katekis i gat 33 krismas tasol.

Bisop Rochus em i bubu bilong Joseph Tatamai, brata bilong Bleset Peter ToRot husat i bin helpim ol birua wantaim plen bilong kilim dai ToRot. Em bin marit na i gat tripela pikinini.

Peter ToRot i bin go het na go pas long ol prea bung, givim ol sakramen bilong baptismo na marit, maski ol soldia bilong Japan i bin tambuim olgeta sios wok. Tasol ol i promotim pasin bilong wanpela man i maritim planti meri na wokim pasin pamuk, we Peter ToRot i egen-sim inap ol soldia bilong Japan i bin sutim em wantaim posin marasin na em i dai.

“PNG i nidim ol modol bilong tude, na em ol ya,” Bisop Rochus i tok.

“Santu Maria Goretti na wan-tok na wanskin bilong yumi yet long Melanesia, Peter ToRot. Ol bin givim dispela nem bikos mama i karim em klostu long nupela na bikpela rot (ol i kolim rot long Tok Pisin) ol i wokim long Is Nu Briten long koloniel



SANTU MARIA GORETTI: Modol bilong pasin pogiv na holi.

taim.

“Tru tumas, em i soim yumi long rot bilong daunim na abrusim ol hevi kantri i wok long bungim we i putim lukautim ol pikinini na famili, pasin bilong tok tru na tok stret, mekim wok stret na strong i kam pas,” Bisop Rochus i tok.

## Musik i strongim spiritual na wok pren namel long Rasia na Itali

WANPELA gutpela kwaia k.onset i bin kamap long Moscow, Rasia i no long taim i go pinis we biknem kwaia bilong Vatikan i bin putim kamap konset long ol sekret musik bilong Otodoks na Katolik Sios.

Sistine Sapel Kwaia bilong Vatikan i bin bung wantaim Synodal Kwaia bilong Moscow long putim kamap konset long selebretim namba 5 anivesari bilong Kyrill olsem Patriak o hetman bilong Rasian Otodoks sios.

Ol bin holim konset long Armony Pales long Kremblin we Patriak bilong Moscow i bin ogenaisim na i bin kamap long ol taim ol i mekim long en.

Pastaim Sistine Kwaia i lusim Vatikan na Rom, maus-man bilong Zenit Nius ejensi, Monsigno Palombella i bin tok dispela wok ekumenikel long sait bilong konset i bikpela samting.

Em i tok ol i bin singsing wantaim kwaia bilong Anglikan Sios long Westminster Abbey na wantaim Lutheran Kwaia bilong Leipzig, na tupela i bin singsing wantaim Sistine Sapel Kwaia long Vatikan.

Em i tok Anglikan kwaia i bin singsing wantaim ol long Sen Paul’s Basilica long 2012 long selebretim misa lotu bilong Santu Peter na Paul, na bihain

long en, Kwaia bilong Gemani.

Bihain long konset, bosman bilong Moscow Patriaket Di-patmen bilong Ekstenel Sios Rilesens, Metropolitan Hilarion bilong Volokolamski, i bin tok amamas stret long konset we tupela grup i putim kamap.

“Yumi harim gutpela konset tru we ol komposa bilong Itali na Rasia long ol wan wan taim piriet i raitim. Na tupela biknem kwai grup em Sistine Sapel Kwaia i gat nem long histori, na Stet Tretyakov Galeri Kwaia we i gat histori long musik na kalsa bilong yumi long Rasia i kamapim. Mipela i tok tenkyu long Sistine Sapel long gutpela gif em i

kisim i kam long kantri bilong yumi. Mi no save harim Sistine Sapel i putim kamap musik bilong Bortnyansky, na Tretykov Galeri Kwaia i putim kamap ol wok bilong Giovanni Palestrina,” Metropolitan Hilarion bilong Volokolamski i tok.

Em bin tok “nau yumi save olsem i gat dairek link namel long sios musik bilong yumi na musik bilong Katolik Sios.”

Em i tok bilip bilong en em spiritual yuniti we konset i kamapim bai kamap tu long wok pren namel long ol pipel bilong Rasia na Itali, na Roman Katolik na ol Otodoks Sios bilong Rasia.

## ELC Mumeng Distrik i gat nupela Wokmeri kodineta

FRANCESCA Matoma em nupela Wokmeri kodineta bilong Evanjelikel Lutheran Sios Mumeng distrik.

Distrik konpren bung i bin makim em na em i kisim ples bilong olupela wokmeri kodineta, Christine Moll.

Miss Matoma em i greduet long Stang Lutheran Wokmeri Trening skul long Kaiapit Seket, Yabim, long yia 1995 na 1996 na bihain em i kam long distrik we ol Kristen gen i makim em olsem tresera bilong distrik Wokmeri.

Em i wok klostu stap long lukaut bilong Misis Mol.

I no long taim i go pinis, kaunsel i bin bung long Mumeng ELC Distrik na ol lida i bin witesim henova tekova seremoni namel long Christine na Fransica. Seremoni bin kamap long Sen lopoku Peris long Zenag eria we Francesca i tok i gat 19-pela peris long en, stat long Timini na i go olgeta long Wau.

Long taim em i kisim blessing bilong wok long Gutnius Dairekta, Bob Gideon i bin givim Francesca i bin tok em i yangpela meri tasol, em i bilip olsem God bai sapotim em long wok ministri bilong em.

Em i tok em bai wok gut wantaim ol mama long peris na seket, na bai em i trongim wok insait long sios.

Em i tok tenkyu i go long Christine long helpim go hetim ol wok insait long distrik.

Em i strongim ol wokmeri na ol mama i mas stap gat na mekim wok long peris na kongrigesen level.

Em i amamas tasol long lukim ol meri lida insait long peris i wok bung wantaim em long strongim wok ministri bilong ol meri long distrik i go daun long seket, peris na kongrigesen.

Long wankain taim, em i tok em i aikim sapot bilong ol arapela meri i go pas long wok bilong ol meri.

PNG Wokmeri Dairekta, Cathy Mui, i makim ol meri bilong sios na tok tenkyu i go long ol meri long ELC Mumeng Distrik long luksave long nupela wok meri kodineta we ol yet i makim.

## Ol Lutheran i selebretim 128 yia long kirapim wok long PNG

Paulus Tali i raitim

LONG Sande 13 Julai, planti ol Lutheran Kristen manmeri na pikinini i bung long Ampo Het Opis na mas i go long Martin Luter Seminari pilai graun na mekim bikpela bung lotu.

Ol singsing na tambaran grup na tu ol drama bin makim stori bilong ol evanjelis na misinari bringim gutnius long Finsafen na i go aut long olgeta hap bilong PNG.

Tude ol lain long maunten, nambis na taun i kisim Gutnius we i kam long hatwok bilong ol bilip manmeri husat i givim taim bilong ol long wok Gutnius.

Pasto Matthais Prenzler bilong Australia em i wanpela tumbuna na pikinini bilong ol misinari i bin autim tok bilong God long dispela de.

Em i tok ol pipel bilong PNG i save laik mekim na harim stori olsem taim ol i amamas long tingim stori bilong hatwok ol misinari na evanjelis i mekim long 128 yia. Ol tu i ken pilaim pat bilong ol yet olsem ol Kristen pikinini bilong God insait long sios bilong ol long nau, na bai bihain long narapela 128 yia, ol pipel bai harim stori bilong ol. Ol i mas tingim dispela wok em God yet i mekim long ol pipel bilong PNG, na bai mekim yet.

Anit long het tok, “Sios bilong mi, taim bilong mi, de bilong mi”, Pasto Prenzler i autim tok antap long wanpela rit i stap long Buk bilong Esta, sapta 42 ves 12 i go 14 we Esta i mas mekim sampela eksen long sevim ol lain pipel bilong em.

Wanpela papa bilong Lutheran Sios em Ritaia Distrik Bisop, Reveren Yana Apo i givim sotpela histori bilong ELCPNG, na mekim strongpela tok long wok misin na lainim gut olgeta manmeri na pikinini long bihainim gut ol tok God i givim olsem Krai i tok long Matyu sapta 28: ves 19.



**TOK PISIN NEWS**  
from Radio Australia  
radioaustralia.net.au

Harian TOK PISIN News  
101.9FM  
Port Moresby  
Tok Pisin Service  
6am - 7am 6080, 7240(KHz)  
7pm - 9pm 5905, 6020, 6710, 1280(KHz)



**MALESIA BALUS BIRUA:** Ol wokman i painim ol hap bodi long ples we ol paitman long Ukraine i sutim MH 17 balus bilong Malesia na i bin pundaun na kilim dai 298 pipel. **Foto: ABC**

## Wol i kros long asua i kamap

WOL i kros, wari, sori na egensim tru pasin we ol i bin sutim MH 17 jet balus bilong Malesia long skai bilong kantri Ukraine klostu long Rasia las wik Fraide na 280 pipel balus i bin karim wantaim pailot na ol woklain bilong balus i dai.

Long dispela, 28 i bilong Australia na ol narapela i bilong ol kantri olsem Malesia, Nedalens o Holan, Indonesia, Yunaitet Kingdom, Jemeni, Beljam, Filipins, Amerika, Canada na Nu Silan.

Long dispela taim, Rasia na Ukraine i birua long wanpela narapela na i gat bilip olsem ol paitman bilong Ukraine husat i sapotim Rasia i sutim dispela balus bilong Malesia long las wik Fraide we i wok long karim 298 pipel na olgeta i dai.

Ol memba bilong United Nations Security Council (UNSC) i sapotim resolusen bilong Australia we i mekim strongpela toktok i no laikim tru pasin we ol i bin sutim dispela pasindia balus MH17 bilong Malesia.

Foren Minista bilong Australia, Julie Bishop i tok birua ya i no gut stret.

Long las minit Russia i bin sapotim resolusen we Australia i kamapim bihain long ol i mekim sampela senis long ol toktok namel long ol toksave long dispela birua olsem "the downing" ol Malaysian Airlines MH17 na i no "shooting".

Toktok bilong Australia:

Mis Bishop i bin tokim UN Security Council olsem sutim daun bilong balus ya i kamapim bikpela kros long wol.

Em i tok dispela vot i soim klia tingting bilong intanesenel komyuniti long dispela bikpela na no gut birua.

Em i tok kantri bilong ol i stap bel sori tru long dai bilong ol pipel na bikpela pen na bel sori ol famili bilong ol i gat.

UN resolusen i mekim strongpela askim long "safe, secure, full and unrestricted access i go long kres eria na long dispela tasol ol lain ken karim aut wok bilong ol".

Em i bin tok i mas gat rispek na luksave long ol pipel ol i bin kilim ol long MH17.

## Toktok bilong Rasia:

Man i makim Rasia long Yunaitet Nesen, Vitaly Churkin, i bin mekim strongpela toktok egensim Ukraine bihain long vot.

Em i tokim UN Sekyuriti Kaunsel, i luk olsem gavman billong Ukraine i traim long yusim bel sori bilong ol narapela kantri na yusim sutim bilong MH17 long ol pait bilong em long kisim sapot.

Long is bilong kantri ol i wok long sut long ol bikpela gan na wo balus i wok long hamarim ol siti na kilim ol sivilians.

Em i bin tok ol i laik askim ol memba bilong Kaunsel, husat i stap long dispela rum, i ken tokaut

stret olsem inap gavmsan bilong Ukraine Gavman i mekim samting wantaim ol gutpela tingting na luksave.

Em i bin askim wanem bikpela tingting na luksave yupela i givim long dispela toktok.

Mista Churkin i bin tokim ol ripota long wei bilong em i go long miting olsem ol inap long kamapim gut ol toktok insait long resolusen na givim sapot long en.

Tasol wanpela askim long gavman bilong Russian em long no ken putim "armed groups" long resolusen i no karim kaikai.

## Toktok bilong Nedalens:

Foren Minista bilong Nedalens, Franz Timmermans, i bin tokim kaunsel olsem dai bilong samting olsem 200 ol man, meri na pikinini long kantri bilong em i lusim wanpela hul insait long lewa bilong ol pipel bilong Nedalens.

Em i tok i go inap long de em i dai, em bai no nap klia watpo ol woklain (rescue workers) i no bin hariap long mekim na watpo ol i mas yusim bodi bilong ol daiman long politikel pilai bilong ol.

Em i bin tok sapos i gat wanpela raun long tebal i toktok long wanpela politikel pilai ol i bin pleim dispela politikel pilai wantaim ol hap hap bodi bilong ol daiman na em i samting no gut tru na i no stret olgeta.

Em i tok em i hop wol bai i no ken witnessim dispela kain birua no gut long bihain taim.

Em i bin tok kantri bilong em "bai no inap malo-lo" inap jastis i kamap."

Toktok bilong Amerika:

US presiden, Barack Obama, i tok nau em i wok bilong presiden bilong Rasia, Vladimir Putin long lukim olsem i gat wanpela trenperen investigesen i mas kamap long sutim MH17 balus bilong Malesia.

Mista Obama i bin tokaut olsem em i no laikim tru pasin o li mekim long dispela kres eria, na i tok dispela i no i bin luksave na marimari long ol lain i dai.

Em i tok president Putin i tok em i givim sapot long wanpela "full na fair investigation" na i tok em i amamas long ol toktok, tasol ol toktok bilong em i mas kam wantaim eksen.

Mista Obama i no bin tokaut long nupela ol tambu, tasol i tok lukaut i go long Rasia olsem em bai stap long em yet sapos em i go het long givim sapot long ol paitman bilong Ukraine em ol i sutim tok long ol long kres bilong dispela balus.

Ol bodi statim wokabout long trein i go long Kharkov

Long wankain taim, wanpela trein i karim ol bodi bilong planti long ol dispela i bin dai i lusim pinis kres eria, bihain long praim minista bilong Malaysia i bin pasim wanpela dil wantaim lida bilong pro-Rasien paitman husat i kontrolim dispela eria.

Ol i bin putim na holim ol bodi long sampela de insait long ol aibokis bilong ol reilwe wegong long wanpela liklik stesen 15 kilomita longwe long kres eria. Dispela i bin kamapim bel kros ong ol kantri long ol i mas salim ol bodi i go bek long ol kantri bilong ol.

Ol atoriti bilong Malesia bai kisim tu ol bilak bokis bilong balus long ol paitman we i holim ol infomesen long kres insait long isten Ukraine em ol rebel o paitman i kontrolim. Tasol ol i ino nap tokaut stret husat tru em praim minista Najib Razak i bin toktok wantaim.

Lida bilong Malaysia i tok em i bin pasim agrimen wantaim ol paitman long ol i givim ol bodi ol i bin painim i go long ol atoriti long Nedalens we planti long ol dispela i dai i bin kam long en.

Praim Minista bilong Nedalens, Mark Rutte, i bin tokim wanpela nius konprens olsem trein i wok long karim samting olsem 200 bodi beg i mekim wei bilong em i go long Donetsk em ol rebel o paitman i lukautim, na bihain i go long Kharkove, we i stap long han bilong gavman bilong Ukrainian.

Em nau, balus bilong Nedalens bai kisim ol bodi i go na bai gat forensik aidentifikesen tes wok i kamap long ol.

## Mak bilong pipel i gat HIV long PNG i go daun

MINISTA bilong Helt bilong Papua New Guinea i tok em i amamas long tokaut olsem mak bilong ol pipel husat i kisim sik AIDS iwok long go daun liklik.

PNG Helt Minista Michael Malabang i mekim dispela toktok long dispela wik taim em i bin givim wanpela toktok long bikpela miting bilong AIDS we i go het nau long Melbourne, Australia.

Minista Malabag i tok gavman bilong en i putim bikpela mani long baset bilong baim marasin bilong AIDS long givim long olgeta pipel em i gat sik AIDS.

PNG i wanpela kantri long Pasifickrijon i gat bikpela namba bilong ol pipel i gat sik AIDS.

Mista Malabag i tok long dispela bikpela namba bilong ol PNG pipel husat i gat sik AIDS ol woklain i mekim ol wok na skul awenes bilong skulim ol pipel long marasin na save long abrusim binatang bilong HIV.

## PNG CIMC deputi daiketa toktok long PNG

Deputi Ekskyutiv Dairekta bilong Consulativte, Implementation na Monitoring Council (CIMC) bilong Papua New Guinea, Henry Yamo, i tok gavman i lukluk long helpim ol pipel long sapotim na groim ikonomi bilong kantri.

Mista Yamo i tok ol pipel i nidim infrastraksa olsem gutpela rot na bris long kisim ol kaikai bilong ol i go long ol maket na wokim liklik mani bilong supotim famili bilong ol.

Em i tok dispela em i wanpela bikpela as tingting we CIMC i bin lukluk long wokim rekomendesen o ripot i go long nesenel gavman long go hetim long yia bihain.

Mista Yamo long toktok bilong em i givim luksave long nesenel gavman long ol developmen projek, na wanem ol narapela ejensi bilong gavman na NGO i ken mekim long ikonomik developmen bilong kantri.

## Askim pipel bilong Indonesia long stap isi taim em i redi long tokaut bilong nupela presiden

OL i bin tokim ol vota long Indonesia long stap isi na no ken mekim samting long kirapim bel kros i go long ol narapela taim kantri i redi long tokaut long nupela presiden.

Nesenel Ileksen Komisin bilong kantri i stap long fainal hap bilong sekim ol vot , na ol i ting risalt bai kamap tude.

Presiden Susilo Bambang Yudhoyoni, husat nau bai pinis olsem presiden bilong Indonesia i mekim strongpela askim i go long husat i lus long ekseptim lus bilong ol.

Em i bin tok "long tok olsem mi lus i wanpela bikpela samting," Em i bin tok sapos wanpela i no ekseptim opisal risal, i moabeta ol i stap isi na luksave long mama lo.

Ol luksave em i no opisel yet i lukim Jakarta meya, Joko Widodo olsem nupela lida.

Tasol oposisen kendidet, Prabowo Subianto, i tokaut olsem em i bin win. Tim bilong em i tok i bin gat bikpela "cheating" o paul wok i kamap long taim bilong ileksen na ol i askim long holim bek kaunim bilong ol vot.

Ol i no ting dispela bai kamap, tasol i gat wari olsem wanem kain bel kros bai kirapim bikpela bel kros na hevi.

Tasol Indonesia i bin holim tu tupela bikpela eleksen long dispela yia na tupela i bin kamap gut wantaim no gat kros na hevi.

Mista Widodo i bin yusim sosel media na askim ol sapota bilong em long stap aut long ol strit na i no ken werim ol sek sio long soim ol yet em ol i bin werim long sapotim em long taim bilong kempen.

Mausman bilong nesenel polis i tok ol bai putim 253,000 polisman na meri long olgeta hap bilong Indonesia, wantaim 22,000 long Jakarta.

# Tingim ol lain husat i kisim bagarap long Wol Woa 2

**Tingim ol lain bilong yumi na soim rispek long Remembrance De Julai 23 em i pablik holide hia long Papua Niugini. As bilong dispela holide em long soim rispek na tingim ol Papua Niugini husat i dai o i kisim bagarap long taim bilong Namba Tu Wol Woa.**

Bipo PNG i save bung wantaim Australia na Nu Silan na tingim ol dispela lain long ANZAC De 25 Epril. Tasol bihain gavman i tok mobeta PNG i makim wanpela de bilong em yet long tingim ol lain i pait na dai long woa na ol manmeri nating bilong ples husat i mekim bikpela wok long helpim ol soldia bilong Amerika na Australia.

Namba tu Wol Woa i bin kamap moa long 70 yia i go pinis, na planti ol papa na tumbuna husat i bin pait long dispela woa i dai pinis. Olsem na gavman i tok long Remembrance De hia long PNG, bai yumi mas tingim tu ol plisman na meri na ol soldia na CIS opisa husat i bin dai long taim ol hevi i kamap long PNG.

Olsem na Julai 23 em i wanpela bikpela de bilong kantri. Em i no wanpela holide nating we yumi malolo long wok na i go raun na lukim ol wantok o holim wanpela botol o go gris long buai maket o raun nating long ol stua.

I gat opis bilong Nesenel Ivents na ol bai go pas long wok wantaim ol provins na komiti bilong stretim ol program bilong dispela bikpela de.



Sampela provins i save tingim dispela bikpela de bilong kantri na ol yet i go pas long mekim program na ol selebrensen bilong ol.

Ol polis na Difens Fos na CIS

bai mas na apim plak na putim plawa long matmat o memorial ston bilong ol lain i dai long woa. Long Mosbi, ol seremoni bilong tingim dispela bikpela de i save kamap long Ela Bis Memorial

Pak na ol lain bilong yumi na ol ovis kantri bai bung long dispela de. Planti provins i no gat wanpela woa memorial pak o ples bilong tingim dispela de.

Long Lae, Mosbi, Rabaul i gat ol bikpela woa memoria pak i stap, tasol ol dispela matmat i bilong ol soldia bilong Australia, Nu Silan na ol arapela ovis kantri husat i bin pait na dai hia long PNG. Na ol lain bilong Commonwealth War Graves i save lukautim ol dispela matmat.

Longpela taim i lus nau bihain long namba tu wol woa i pinis. I gat planti stori i kamap long ol soldia bilong Australia na ol ovis kantri husat i bin pait na dai.

I gat stori bilong ol lain husat i mekim bikpela wok long sevim laip bilong ol wanlain bilong ol. I gat stori bilong ol misineri husat i dai long han bilong ol birua.

Yumi ol Papua Niugini i no ol lain bilong raitim daun ol stori. Yumi ol lain bilong stori long maus tasol. Planti bilong yumi i harim ol stori bilong dispela bikpela wol woa long maus bilong ol papamama

o tumbuna bilong yumi. Planti bilong ol dispela stori i bilong ol manmeri nating na laip bilong ol long taim bilong woa. Tasol sori tru, ol dispela stori i wok long lus nau bikos planti bilong dispela jeneresen husat i bin lukim dispela woa i dai pinis.

Tude, i mas gat moa wok i kamap long rekodim ol dispela stori bilong ol pipel bilong yumi. Ol pikinini bilong tude i no klia bikos i no gat buk i gat ol dispela stori ol i ken ritim.

Sampela stori i stap long ol bikpela histori buk em ol save-manmeri long ol yunivesiti i raitim.

Plantil ol manmeri nating i no gat sans long ritim ol dispela buk bikos i no gat ol pablik laibreri we ol i ken painim ol kain buk olsem.

Na long wankain taim tu, i gutpela sapos yumi soim rispek long dispela bikpela de na go stap insait long wanem selebrensen i kamap long makim Remembrance De.

Ol bisnis haus tu i mas soim rispek na pasim dua bilong ol. Long Mosbi, planti bikpela stua i save op ful de long mekim mani, ol i no gat rispek long dispela bikpela de bilong PNG.

Dispela kain pasin i kamap bikos gavman i slek long putimaut tok save long pablik bai olgeta manmeri na pikinini i luksave na soim rispek na amasim dispela de bilong tingim ol pipel bilong yumi husat i bin pait na dai long taim bilong woa.

## Yumi olgeta gat asples na graun

NOGAT wanpela man o meri long Papua Niugini em iwanpis o turangu lain. Tasol pasin nogut bilong yumi yet i save mekim ol famili bilong yumi yet i kamap wanpis na turangu lain.

Papua Niugini i no olsem ol sampela kantri we planti manmeri i nogat graun bikos graun em samting bilong gavman. Olgeta manmeri i mas wok long painim mani. PNG em yumi olgeta gat graun na asples we famili bilong yumi stap long en.

Hevi nau yumi bungim long ol taun na siti em bikos papamama i go wok long taun na ol pikinini i kamap na stap. Tasol papamama i no lukautim ol gut long haus, kaikai, baim bilas, salim ol go long skul na stap klostu na was long ol.

Papamama i stap longwe long pikinini na ol pikinini lukim olsem nogat sapot na was long papamama orait ol stat long poroman na raun nabaut long rot. Wanem samting ol i mekim na i gut-



pela em ol mekim na mekim moa yet.

Em i wanpela bikpela as ol pikinini bilong yumi i no stap gut long skul na raun long rot we arapela i ting ol i nogat papamama.

Sapos papamama i gat hevi o dai, orait famili lain i mas hariap salim ol pikinini i go bek long asples bilong ol we ol kandre na famili i stap.

Dai bilong yangpela boi Wanpis long Mosbi long las wiken em i kamapim bikpela sori tru bikos yumi ting olsem em nogat asples o famili memba bilong em.

Bikpela wari tu bikos planti manki olsem Wanpis husat stap long ol yut senta o sampela i bungim hevi na bagarap pinis, em ol i gat family, kandre, susa na brata stap. Tasol pasin nogut bi-

long yumi yet long les long lukautim na sapotim pikinini bilong ol arapela brata susa nau i lusim ol mangi olsem go raun long rot na bungim hevi na bagarap.

Bikpela rong i mas go bek long yumi ol papamama long i no stretim gut pikinini bilong yumi pastaim. Ol mas sindaun gut wantaim yumi long haus. Wokim haus slip bilong ol na ol ken slip gut na kaikai gut na putim ol go long skul. Ol ken sindaun gut long skul na no inap stap nating long blok na painim tingting na raun nabaut.

Sapos yumi lusim wok na stap nating long blok, orait mekim sampela samting long pikinini ken stap gut long en. Sapos nogat wok, orait yumi traim salim sampela pikinini go bek long asples bilong yumi we graun bilong yumi stap long en. Yu gat graun orait em strong na bun bilong pikinini bilong yu long kisim strong na kamap man na meri long bihain taim.

Noken larim laip bilong taun na siti pulim yumi na taim yumi pundaun ol meri pikinini bilong yumi tu i pundaun na kisim bagarap na hevi.

Ating Gavman i mas mekim sampela lo bilong banisim ol pikinini we taim papamama i no wok na sindaun gut, orait ol pikinini ken go stap long yut senta o kain banis olsem bai sios na gavman i lukautim ol na lainim ol long skul na kainkain trening bilong wok.

Sapos ol pikinini ya i gat graun na famili long ples stap orait gavman ken salim ol go long ples na larim papamama bilong ol paul stap long siti.

Em hevi long kantri tude na bai go bikpela moa long liklik taim bihain olsem. Na gavman i mas kamapim sampela rot na lo nau bilong holim dispela hevi long noken go bikpela we inap bagarapim planti yangpela pikinini bilong yumi long bihain taim.



Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: [editorial@wantok.com.pg](mailto:editorial@wantok.com.pg)

Pe bilong wanpela yia

Websait: [www.wantokniuspepa.com](http://www.wantokniuspepa.com)

Pe bilong wanpela yia, 52 niuspepa

PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00


General Manager Elizabeth Konga

Editor Veronica Hatutasi

Published at Able Building Complex, Sec 58 Lot 02, Waigani Drive.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. Interest at Word Publishing Company Ltd and are set out full on the display advertising form.

# Rurel pikinini yusim bus samting long wokim pangal-kar



Brata pusim susa Emily long viles-stail wil-baro. Ol Poto: James G. Kila



Ol pikinini long Babel wokim 'pangal kar' long nambis long Biabi long Karkar ailan.

Ol mangi Karkar soim 'pangal kar' bilong ol.

### James G. Kila i raitim

**P**LANTI kain kain senis long teknoloji na laipstail long long bikipela taun na siti long PNG na tu long ol arapela hap wol, sampela ples i no lukim ol pilim senis i kamap yet.

Long planti rurel viles na na hauslain long PNG we nogat gutpela rot i go long en na tu sevises bilong Gavman na tu teknoloji olsem mobail fon, intanet na ol arapela teknoloji, laip i stap wan kain yet olsem bipo, pastaim long PNG kisim independens.

I no long taim i go pinis mi bin bungim sampela mangi long nambis long Biabi long Karkar Ailan, na mi guria stret long lukim ol i yusim lokal save bilong ol long wokim ol kar wantaim pangal bilong saksak. Ol stail mangi ya blong Babel viles long Takia eria klostu long Biabi stesin

Ol stail mangi ya i katim insait bilong pangal bilong saksak na wokim ol toi-trak long pilai wantaim.

Wanpela bikipela man husat i kambek long kanu long solwara i lukim mi wantaim meri bilong mi i mangalim stret ol dispela pikinini i wokim pangal kar i stap na i tok olsem: "Bai, dispela ol liklik pikinini em planti long ol i no lukim ol bikipela trak bikos ol no save go long taun.

"Ol i save lukim ol piksa long buk na megesin long skul tasol. Wanem samting yupla lukim em ol mangi ya wokim long tingting bilong ol yet," man ya i tokim mi.

Tru tumas, ol dispela viles pikinini bilong Babel i soim sampela naispela samting we ol i yusim ol samting bilong bus yet long wokim. Ol i no yusim samting blong taun.

Dispela ol 'pangal kar' em ol i katim ol pangal bilong saksak na mekim skwea na traiengol seip na wokim ol kar na tu kebin bilong kar na tu treila bilong kar long baksait na sapos yu nupela man blong

taun bai yu aigris long kain rurel teknoloji ol pikinini yet i kamap wantaim long ples.

Ol mangi long Babel i sindaun long grup na wokim ol dispela pangal kar blong ol na bihain long samting olsem 30-minit, ol i putim wil bilong kar em sid bilong wanpela diwai bilong bus na ol i pulim pangal - kar bilong ol long wesam long nambis na mekim kain kain nois olsem enjin bilong kar na wokabout long lain long nambis long Biabi.

Long wok bilong mi olsem wanpela niusman bipo na tu wantaim ol arapela kampani olsem Kopi Industri Koporesen (CIC) long Goroka, mi bin raun long planti rurel ples insait long PNG na mi lukim planti kain kain samting ol pikinini long rurel eria i save wokim. Ol dispela viles gem o pilai ol rurel pikinini i save wokim i fit long eria ol i stap long en na ol i save wokim long amamas wantaim ol wan lain bilong ol.

Tude planti pikinini long ol bikipela taun na siti i save pilai pilai long mobail fon na ol arapela samting long amamasim ol yet, tasol ol pikinini long rurel eria i holim yet sampela pilai bilong bipo we tumbuna bilong yumi i soim na dispela i kam daun long sampela ol yangpela long rurel eria tude.

Meri bilong mi tokim mi olsem Nesenel Edukesen Dipatmen i save promotim Ats olsem wanpela kurikulum long praimer na sekenderi skul insait long PNG.

Dispela em gutpela rot long strongim tumbuna pasin na kalsa bilong PNG long ol pikinini husat long bihain i ken holim strong kalsa bilong kantri bilong yumi.

Dispela wokabaut bilong mi long nambis long Biabi i bringim mi long lukim narapela rural stail wilbaro, em wanpela pikinini i wokim na pusim liklik susa blong em antap long dispela wil-baro.

Dispela mangi blo ples nem bi-

### Pangal kar ron long wesam long nambis.



long em Paul na susa bilong em Milly i sindaun gut tru antap long dispela wil-baro.

Paul yet i wokim wil-baro ya wantaim diwai blong bus, tasol em i putim olpela net bilong kisim pis olsem bet na putim sampela katin pepa antap na susa bilong em Milly i sindaun long en.

Dispela wil-baro blong ples i ron



long wanpela olpela wil bilong lomowa we i save katim gras.

Kain viles gem na stail bilong ol mangi long rurel PNG em wanpela rot long holim strong kain kalsa na pasin bilong yumi stap strong yet.

Maski olsem kain kain teknoloji wok long kamap long ol bikipela taun na siti bilong yumi long PNG, ol stail mangi long rurel eria long

PNG tu i gat stail bilong ol yet long amamasim de bilong ol long ples.

Kain kain viles gem i stap long planti rurel viles na komyuniti long PNG. Moabeta, ol turis yet na ol lain bilong taun i ken go long ples na lukim na rekotim sampela kain viles gem na stail ol mangi bilong yumi holim i stap yet. **Rurel PNG, yu yet kam na lukim!**



Program bilong Wanwan De

De - Mande - Fraide

6am - 10am - Sankamap show - Host: Kas.T
6:00am - Major Nius Bulletin
6:15am - Komuniti Notis Bod
6:25am - Taim Bifo - wanpela singsing b'long bifo.

Tasol
9:30am - Final aua cruz
10am - 3pm - Morin Trek na Belo Pack
10:00am - Major Nius Bulletin - YUMIFM Nius Senta

2:00pm - Major Nius Bulletin - YUMIFM Nius
2:05pm - YU TOK - komiuniti awenes program
2:45pm - YUMI PANIM WOK Segment
3pm - 7pm - Avinun Draiv Taim - Host: Vaviessie

6:10pm - 7:00pm Mon kamap sho
6:45pm - Komuniti Notis Bod
7:00pm - 9:00pm - COCA COLA GARAMUT
7:00pm - Nius - YUMIFM Nius Senta

Sarere belo cruz - Host: Tuluvan Vitz
1pm - 2pm - Sarere Belo Taim Dedikesen
2:00pm - Nius - YUMIFM Nius Senta

RADIO AUSTRALIA TOK PISIN PROGRAM HARIM LONG: 101.9 FM

6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TUNDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

TRINDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FONDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

FRAIDE - Moring - Nait
6AM Stesen Op - Nius Hetlain - Musik na ol intaviu
6.30AM Nius na Karent Afes
7AM Stesen Pas

SARERE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

SANDE - Nait
7PM Stesen op - Ol Nius Hetlain/Program Priviu
7.05PM Musik na Chit Chat
7.30PM Nius

Raun wantaim Wantok kru ...

Pulim manmeri wantaim tok pilai

Nicky Bernard i raitim

MASTA bilong seremoni em ki bilong pulim ol manmeri sapos i gat bikpela pablik bung na ol i laikim ol manmeri mas kam pulap.

Dispela Masta o Misis bilong seremoni i mas gat pasin bilong tok pilai na wanpela pani man o meri, bai pulim tru planti pablik long kam harim na lukim wanem bung dispela masta o misis ov seremoni laik i mekim.

Long Namba 5 Melanisen Ats na Kalsa Festival long Mosbi, dispela misis ov seremoni bin pulim planti manmeri na pikinini long toktok pani bilong em tasol. Yes sapos yu bin stap long dispela tupela wik so o lukim long TV, bai yu klia husat nau yumi toktok long en.

Francesca Semeso, wanpela bik nem meri long redio bipo na bik meri bipo long Bogenvil Gavman i bin misis bilong seremoni long dispela Melanisen Ats na Kalsa Festival i bin kamap long Mosbi.

Planti manmeri na pikinini bin amamas stret long dispela taim em i bin kamap olsem misis bilong seremoni. Taim ol manmeri na pikinini raun na harim nek bilong em i toktok long spika, olgeta bai ron i go long wanem hap em i toktok long en, na



Misis Semeso i lap taim em lukim Minista bilong Ats na Kalsa i putim het bilong Asaro long taim bilong pasim Ats na Kalsa seremoni na Francesca Semeso i danis wantaim wanpela yangpela meri Wes Papua long taim bilong Ats na Kalsa So long Mosbi.

putim was long em long singautim ol wanem grup long kam putim kamap danis na pilai bilong ol.

Taim no gat grup i kamap em bai mekim liklik tok pilai bilong em long pulim iau na tingting bilong ol manmeri na ol manmeri noken lusim dispela liklik hap konset ples.

Taim ol tumbuna grup i kam antap em bai putim was long wanem kain danis ol i putim, em

bai bihainim wankain stret olsem ol dispela grup. Taim danis i pinis, em bai mekim wanpela tok pani gen long holim ol manmeri yet.

Dispela tupela wiken ol pablik i bin amamas stret. Em i tokim ol long noken wokim trabel, na dispela toktok bilong em i karim kaikai stret. Nogat trabel inap dispela Ats na Kalsa i pinis.

Francesca, em trupela meri. Taim em i toktok, olgeta man-

meri bihain toktok bilong em. Taim em i givim oda long olgeta samting bai mas ron gut long ples bilong singsing, olgeta samting bin ron long laik bilong em stret.

Taim bilong pasim dispela Ats na Kalsa so, nek bilong em tu i wok long pas isi isi long wanem, em bin toktok long tupela wik olgeta long moning kam inap long nait. Em trupela maus meri Francesca Semeso.

EMTV Television Guide

FONDE JULAI 24, 2014

10:00 PM PG NRL FOOTY SHOW Ep#21
11:30 PM G NEWS REPLAY
.....followed by the Australia Network

4:30 AM G AUSTRALIAN NETWORK
5:00 AM G JOYCE MEYER 1088-4
5:30 AM G EMTV NEWS REPLAY
6:30 AM G TODAY
09:00 am G CLASSROOM BROADCASTS
3:30 PM G KIDS KONA

HI 5 S11 EP#26/43
MAGICAL TALES S3 EP#42/47
PYRAMID S3 EP#21/68
THE SHAK S4 - EP#44/66
5:30 PM G LOVE PATROL SEASON 6 -
6:00 PM G EMTV NATIONAL NEWS
7:00 PM G RAIT MUSIK EP#221
8:00 PM G RESOURCE PNG EP#26
8:30 PM G SOKA XTRA EP#220
8:40 PM G HOT SPOT EP#25
9:30 PM PG ELITE MUSIC ZONE EP#2014/26

FRAIDE JULAI 25, 2014

4:00 AM G AUSTRALIAN NETWORK
5:00 AM G JOYCE MEYER 1088-5
5:30 AM G EMTV NEWS REPLAY
6:30 AM G TODAY
09:00 am G CLASSROOM BROADCASTS
3:30PM G KIDS KONA
HI 5 S11 EP#27/43
MAGICAL TALES S3 EP#43/47
PYRAMID S3 EP#22/68
THE SHAK S4 - EP#45/66
5:30 PM G SKIPPY -

5:55 PM G CRIME STOPPERS
6:00 PM G EMTV NATIONAL NEWS
7:00 PM G IN MORESBY TONIGHT -
7:30 PM G 2014 NRL - ROUND 20
KNIGHTS vs. ROOSTERS
9:30 PM 2014 NRL - ROUND 20
BRONCOS vs. STORM
11:30 PM G EMTV NEWS REPLAY
.....followed by the Australia Network

SARARE JULAI 26, 2014

4:30 AM G AUSTRALIAN NETWORK
6:00 AM G EMTV NEWS REPLAY
EMTV brings you a flashback of yesterday's National News, sports and weather.

7:00 AM G IN HIS STEPS EP#28
7:30 AM G AUSTRALIA NETWORK
8:30 AM G SKILLICIOUS S1. EP#2/7
9:00 AM G DANI'S HOUSE S1 EP#3/12
9:30 AM G ULTIMATE GUINNESS WORLD RECORDS - EP#19/52
10:00 AM G LOVE PATROL S6 - EP#8 Rpt.
10:30 AM G SKIPPY- Rpt.
11:00 AM G TANIM GIRAUN
12:00 PM G AUSTRALIA NETWORK
2:30 PM G QRL INTRUST CUP - ROUND 21
PNG HUNTERS vs. BURLEIGH BEARS
5:30 PM G OLSEM WANEM EP#28
6:00 PM G EMTV NATIONAL NEWS
6:30 PM G 2014 NRL - ROUND 20
PANTHERS vs. SHARKS
8:30 PM G 2014 NRL - ROUND 20
TITANS vs. EELS
10:30 PM G 2014 NRL - ROUND 20
BULLDOGS vs. COWBOYS

12:30 AM G EMTV NEWS REPLAY
.....followed by the Australia Network

SANDE JULAI 27, 2014

3:30 AM G AUSTRALIA NETWORK
6:30 AM G EMTV NEWS REPLAY
7:00 AM G HILLSONG
7:30 AM G AUSTRALIA NETWORK
8:30 AM G BUSINESS PNG YR.3 EP#25 rpt.
9:00 AM G TOTALLY SPIES EP#20 - RE-RUN
9:30 AM G OLSEM WANEM EP#28- RPT
10:00 AM G RESOURCE PNG EP#26 - Rpt
10:30 AM G LOVE BITES WITH JOEY 21/26

TORO



BIABIA



KANAGE



SUDOKU

9x9 grid of numbers for a Sudoku puzzle.

Ansa bilong las wik Sudoku # 53

9x9 grid of numbers for a Lasik Sudoku puzzle.

Ansa bilong Sudoku # 54 neks isu

15x15 grid for a crossword puzzle.

Ansa bilong las wik krowod, isu # 2080

15x15 grid of numbers for a Lasik crossword puzzle.

KROWOD

- List of crossword clues including 'Akros 1 Si', '32 Bilong katim plang', '11 Politikal pati', etc.

© ABS, 2014

EMTV Television Guide

Table with columns for time slots and program titles, including 'THE CHEF & HIS BETTER HALF', 'AUSTRALIA NETWORK', 'EMTV NATIONAL NEWS', etc.

Oi Progam na Kilok i ken senis oltaim...

# Ol poto bilong raun bilong Japan PM



**PM BILONG JAPAN KAM LONG PNG:** Praim Minista bilong Japan, Shinzo Abe, i wokabout namel long wanpela PNG Difens Fos pareid long Jacksons ples balus taim em i kam kamap long PNG las wik. Wokabout wantaim em long sait em ol bikman bilong PNGDF. Praim Minista Abe i bin pundaun long Mosbi long las wik Fonde apinun na lukluk raun long kantri, na toktok wantaim ol lida bilong PNG long tripela de. Em na grup bilong em i bin go tu long Wewak, Is Sepik Provins.



**SEKAN:** Ol lidaman na meri i bungim Praim Minista Shinzo Abe bilong Japan long ples balus. Hia em i sekanim Jean Parkop, meri bilong NCD Gavana Powes Parkop husat i sanap long sait wantaim ol narapela bikman.



Bikpela balus bilong Japan yet i bin kisim Praim Minista Shinzo Abe, misis bilong em, ol opisa bilong em na moa long 200 grup i gat tingting long mekim pren na bisnis long PNG. **Ol Poto: Nicky Bernard**

# Raun wantaim Kanage olgeta wik

## 'Pater, plis stop pastaim'

WANPELA Sande, Kanage i bin go long lotu na em i karim K12 i go long lotu. Em i tok olsem, em bai putim K2 long ofa na K10 bai em baim kaikai long maket. Taim bilong ofa nau na ol yut wok long singsing i stap long kisim ol ofa bilong ol manmeri i stap. Kanage em bisi long harim ol singsing na tu em i wok long singsing wantaim na taim ol i karim basket bilong putim ofa, Kanage kirap tasol na putim olgeta koins bilong em i go insait long basket. Na, taim bilong karim ofa i go long pater na em i tingim olsem em i putim olgeta



koins bilong em i go insait long basket. Em i wok long tingting long hau long kisim bek K10 bilong em na pater i stat long beten long ofa i kam. Isi tasol em i kirap na go long pater. Pater i lukim na em i tok, "Pikinini olsem wanem?" Ayo pater, plis stop stop. Plis mi lus tingting na givim olgeta koins bilong mi long ofa. Mi laik givim K2 tasol mi abrus na putim olgeta i go

insait. Plis givim mi tasol K10 na yu ken holim K2. Em ofa bilong mi. Na pater i tok, "Yu givim pinis long bikman pinis." Na Kanage kirap na tok olsem, "Yu tupela bikman save givim mi moni ah. Givim K10 blo mi kam bek nau tasol."

**Wally Anis  
Maunt Hagen**

**Ol skwat!  
Salim ol gutpela Kanage  
tok pilai i kam long:  
Kanage Tok Pilai  
P.O. Box 1982,  
Boroko, NCD  
Port Moresby.  
Email:  
jwilson@wantok.com.pg**

# Sevis i no go long ol pipel long ples

## Dia Laipain,

**M**I WANPELA yangpela man i gat 30 krismas na mi bin pinisim Gret 12 long wanpela Nesenel Hai skul long kantri 5-pela yia i go pinis.

**Mi no bin laik painim wok o skruim skul bilong mi i go moa yet, tasol mi bin go bek long ples long helpim famili bilong mi long wok long graun bilong mipela.**

Tru, ples bilong mi i stap long rurel eria longwe long taun, tasol mi amamas long mekim ol samting long ples na stap wantaim ol pipel bilong mi.

Wari mi gat long en em, mi wok long harim planti toktok long daunim kraim, HIV/AIDS na ol sevis i go long ples, na ol narapela i kam long gavman, ol NGO, ol sios na ol narapela stekholda. Long mekim dispela ol samitng, ol i save holim ol woksop ma konprens insait long ea kondisen hotel rum na risot olgeta yia.

Wari bilong mi em, wanem taim bai ol ples i kisim ol sevis na tu, wanem taim ol bai holim ol kain konprens olsem long ples na pipel i ken go insait long ol?

Laipain, i luk olsem planti mauswara tumas na nogat kaikai bilong ol na bai yumi mekim olsem long narapela 34 krismas i kam? Nau yet, ol pipel i les na ol i wok long go turangu tasol.

## CONCERNED YOUNG MAN

### Dia Concerned Young Man,

MIPELA i amamas olsem yu rait i kam long Laipain long serim wari bilong yu wantaim mipela long ol samting i ken kamapim gutpela samting o hevi long laip na sindaun bilong pipel long dispela kantri. Mipela i luksave olsem yu makim maus bilong ol lain long ples na tu long taun na yu autim dispela wari. Mipela i amamas long yu i go bek long ples long stap wantaim ol pipel na bungim ol hevi wantaim ol long ples longwe.

Pren, mipela i sapotim yu long wok yu mekim long ples na bilong yu long skruim i go moa yet. Mipela i luksave olsem em i no isi long husat i pinisim Gret 12 long go bek long ples na painim samting long em i amamas



long mekim. Yu no tokim mipela stret wanem samting yu mekim long ples, tasol i luk olsem yu amamas long samting yu mekim i stap.

Sapos yu stap amamas long ples, yu ting em i gutpela aidia long ol narapela skul liva i go bek long ples na helpim pipel bilong ol? Mipela i bilip em i taim nau long ol yangpela pipel long bihainim samting yu mekim long kamapim senis long ples.

Mipela i lukim daunim ol kraim, HIV/AIDS na lukim olsem gutpela sevis i go long ples bai kamap sapos ol yangpela olsem yu i strongim tingting na i laik mekim ol samting bai wok gut long helpim pipel bilong yumi.

Mipela i ting olsem i moabeta sapos yu redi long rurel ples bilong yu na yu singaut long helpim, ol bai harim nek bilong yu long maunten i go long ol nambis ples na ol ailan. I moabeta yu askim ol gavman lain, ol stekhokda, ol NHO, na ol sios long kam na harim yu. Yu ken tokim ol tu long noken holim ol konprens na bung long ol motel, hotel na ol risot tasol raun i go long ol ples na toktok long pipel. Tokim ol long noken mauswara nating tasol putim mani long ol eria we ol i mas helpim long kamapim gutpela sevis na go toktok long ol pipel long ol rurel ples.

I gat tripela level bilong gavman i stap na em long 1- Nesenel, 2- Provinsel, Distrik na 3-Lokol Level Gavman i mas kisim sevis i go long ples.

Yu kam stret aninit long kaunsela husat i makim pipel. Wok klostu wantaim em long kisim ol sevis i go long pipel. Nau gavman i wok long ples bilong 50 yia i kam bai wok long aninit level i kam antap na yu ken serim ol aidia long wanem i gutpela long ol pipel na ol bai wok wantaim yu. Yu gat ol ilektet memba i gat ol EDF fan bilong pipel na ol i givim aut dispela manimak i go long ol provins long

mekim ol wok. Painimaut moa long dispela.

Pren, sapos ol i no kam long yu olsem, yu stretim wanpela delegesen o grup lon g lukim ol lain long atoriti long mekim samting. Laipain i save olsem sampela Palamen memba i mekim samting long kisim sevis i go long pipel bilong ol i go olgeta lon g ol rurel eria. Sapos sampela i mekim samting i kamap, watpo na ol narapela i no inap? Ating i moabeta long rausim ol dispela memba i no wokim samting long helpim pipel, yu ting olsem wanem?

Pren, mipela i bilip olsem yu mekim raitpela samting na i moabeta long serim dispela wantaim ol narapela yangpela pipel i bin skul na i gat save olsem yu.

Mipela i lukim olsem sapos nogat man i mekim samting, ol samting i no inap wok gut. Mipela i bilip olsem ol dispela i stap long atoriti i no wokim samting stret bai kisim taim wanpela de. Ritim Buk bilong Amos, Sapta 5 ves 11 "Yu bagarapim ol turangu lain na stilim ol kaikai bilong ol. Olsem na bai yu no inap stap long gutpela haus yu bildim o dringim wain long naispela wain gaden yu bin planim."

Wanpela samting em, makim ol gutpela lida long taim bilong ileksen. Planti lida i no save bisi long ol ples lain na em i hat long save watpo pipel i save givim vot long ol. Yumi pipel tu i mas kisim kikbek long givim vot long ol rong lida. I moabeta yu kari-maut awenes long eria bilong yu na pipel i ken givim vot long ol lida i gat stretpela pasin.

## Pren bilong yu- Laipain

**Sapos yu gat wari o hevi, rait i kam long dispela etres: Lifeline Counselling Services, P O box 6047, BOROKO, National Capital District, PNG. Yu ken ringim opis long telepon namba 3260011 o 3261680. O sapos yu stap long NCD, kam na lukim mipela long opis bilong mipela long Waigani. Mipela i no inap putim trupela nem bilong yu long niuspepa, tasol mipela bai putim ol wari na hevi bilong yu.**

## Laipain



# Steamship salim Datec long Telikom

**Stanley Nondol i raitim**

**TELIKOM i kisim Datec long ranim gutpela sevis bilong infomesen na telikomyunikesen na ol arapela sevis long kantri.**

Sif Eksekutiv Opisa bilong kampani Michael Donnelly i tokaut olsem Steamship Trading Co i tokaut pinis long sampela mun i go pinis olsem em i laik salim bisnis bilong

em Datec i go long Telikom. Mista Donnelly i tok olgeta wok bai kamap long Telikom i kisim Datec i kam aninit long lo bilong kantri. Na i gat planti rot bilong pepa wok i mas pinis pastaim long kampani, Datec i go long Telikom.

Em i tok Nesenel Infomesen na Komyunikesen Teknolaji (NICT) bai givim tok orait long intanet sevis laisens. Independen Kompe-

tisen na Konsuma Komisn (ICCC) bai givim tok orait long ol wok bisnis kampani bai mekim.

Minista bilong Fainens na Independen Pablik Bisnis Korpresen (IPBC) tu bai givim tok orait long ranim bisnis olsem bisnis bilong gavman.

Mista Donnelly i tok sampela bilong ol pepa wok i pinis na kampani i wok yet long pinisim sampela klostu

taim long Telikom i ranim bisnis aninit long nem Datec.

Em i tok bisnis bai ron yet aninit long nem Datec bikos ol i gat menesmen na ol wok-lain bilong em yet long bisnis i stap pinis long en.

Datec i tok 4-pela bisnis -ICT sistem enjinerin na intagresen

-infomesen sevis program -Teknoloji trening senta bilong nupela Teknoloji na ol

projek

-Na i gat gutpela computing program na OCT devais bisnis

Mista Donnelly i tok Telikom i baim olgeta bisnis. Dispela bai no inap go insait long bisnis bilong Telikom tasol em bai ran em yet olsem Datec bisnis we i stap na ran nau.

Em i tok kamapni bai givim gutpela sevis na bihainim gut

gavenens sistem bilong gavman long menesim dispela bikpela bisnis bilong gavman.

Bai i gat tupela bod na eksekutiv long ranim Datec na Telikom wantaim. Menesemen bai no nap wankain. Tupela kampani bai ran long tupela yet long bisnis bilong ICT na ol arapela. Tasol tupela wantaim i bisnis bilong gavman.

## Benk bai wok bung long helpim ol meri

NESENWAIID Maikrobenk na Esien Developmen Benk (ADB) i tok orait long tupela bai wok bung long helpim wok bilong ol meri long sait bilong fis bisnis long Pot Mosbi long kisim sampela save rot bilong mani na salim fis long maket.

Tupela benk i sainim wanpela Memorandum ov Andastending (MoU) long dispela wik long Mosbi long sapotim Pasifik Praivet Sekta Developmen Inisitiv (PSDI) long strongim wok bilong ol meri long fis bisnis.

Dispela em nupela projek o paillet projek. Na as tingting bilong dispela em long helpim fis bisnis bilong ol meri long ol i ken kisim dinau mani long Nesenwaid Maikrobenk long sapotim fis bisnis.

Spesolis bilong jenda bilong benk, Vijaya Nagarajam i tok Maikrobenk bai helpim ol meri long trening na givim saplai bilong ol samting long fis bisnis.

Dispela yia benk bai lukluk long givim helpim long ol meri long tupela viles long Motu Koita long

NCD Darahasi Kirakira Wimens Ministri long Vabukori na Kogara Wimens Asosiesen long Hanuabada Viles. Na tu ol arapela bisnis meri long tupela viles.

Dispela paillet projek bai kisim helpim mani long baim ol samting bilong fis long Nesenel Fiseris Atoriti (NFA). Mani bai i kam long Fiseris Kredit Skim.

PSDI na NFA bai wok bung long divelpim ol program bilong givim sevis long olgeta liklik na namel sais fis bisnis bilong ol meri.

PSDI bai wok wantaim ol arapela stekholda long helpim ol meri long painim maket long salim ol fis bilong ol.

Dispela paillet projek bai helpim ol meri long ikonimik empawamen bilong ol long na helpim ol long sanap strong long wok bisnis insait long komyuniti na kantri.

PSDI em i rijinol teknikel asisten program.

ADB, Australian Eid na Nu Silan Eid i putim mani long sapotim dispela projek wantaim helpim bilong Nesenwaid Maikrobenk.



OL meri long NCD i kisim skul tok long pis bisnis long wokmeri bilong Nesenwaid Maikrobenk.

## Trenspot kampani i no kisim pe long LNG

OL trenspot kampani husat i save wok aninit long PNG LNG projek i komplem olsem ol i no kisim kontrak mani bilong ol na dinau bilong ol wantaim LNG i go antap long sampela miliem kina.

Ol trenspot kampani komplem olsem ol i mekim wok pinis long taim bilong konstruksen na i no kisim mani long ranim bisnis bilong ol.

Memberi bilong Huon Gulf Ross Seymour i tok transport kampani bilong em i bin wok wantaim LNG projek na i wetim pemen long Road Transport Association.

Mipela i yusim ol masin, kar menpawa na ol risos long helpim LNG projek long taim bilong konstruksen. Nau konstruksen i pinis na LNG salim ges i go aut pinis long wolmaket. Tasol olsem wanem long ol mipela liklik kampani na pipel i sapotim LNG projek. Mista Seymour i tok.

Mista Seymour i tok ol bikpela kar ana masin bilong ol i no inap long wok moa long kisim mani bikos mogat mani long ranim.

Em i tok wan wan bikpela kar i kosim milien kina. Na sapos wanpela kampani i gat 10-pela bikpela kar, em K10 milien. Planti bilong ol kar i no ron. Bikpela milien bisnis i no ran bikos LNG i no baim mani bilong ol.

Mista Seymour i tok ol bikpela kar i no inap long wok moa long kisim mani bikos mogat mani long ranim.

Em i tok wan wan bikpela kar i kosim milien kina. Na sapos wanpela kampani i gat 10-pela bikpela kar, em K10 milien. Planti bilong ol kar i no ron. Bikpela milien bisnis i no ran bikos LNG i no baim mani bilong ol.

Mista Seymour i tok ol bikpela kar i no inap long wok moa long kisim mani bikos mogat mani long ranim.

Em i tok LNG projek i tok em bai baim tasol i wok long surukim taim.

### PUBLIC NOTICE

The Internal Revenue Commission is issuing Remittance Notices to taxpayers where penalty amounts have been assessed for late payments. These notices are distributed at the IRC counter, when taxpayers make payments in person, or are distributed by postal mail or Email for taxpayers making payments through the mail, or using Electronic payments.

Full or partial remission of penalty may be granted where the delay in lodgement or payment occurred due to circumstances beyond the control of the taxpayer. A taxpayer will need to demonstrate that it is fair and reasonable to remit the penalty, having regard to the nature of the specific event(s) or decision that prevented lodgement or payment.

For example, general statements such as adverse business conditions affecting an industry, general economic conditions, fluctuations of currency exchange rates, or geographic location within PNG, would not be considered a basis for remission.

A more compelling argument for remission might be fire, flood, or other natural disaster that disrupts business activity for a taxpayer, and prevented them from temporarily meeting their tax payment obligations.

Should a taxpayer receiving such a Remittance Notice wish to apply for remission of penalty, they should apply in writing for remission to the Commissioner-General. A taxpayer may send such a request by Email at the following address: [Remissions@irc.gov.pg](mailto:Remissions@irc.gov.pg)

Further information related to penalty remission, tax forms, and general taxation information can be obtained and downloaded at [www.irc.gov.pg](http://www.irc.gov.pg)

Authorized by  
Ms Betty Palaso  
The Commissioner General



"Your partner in nation building"



Internal Revenue Commission

# BSP sapatim PNG Intenel Oditas konfrens

BANK South Pacific (BSP) i save sambai long helpim planti bung, ol grup na spot insait long Papua Niugini olsem na em mekim wankain tu long sponsarim bikpela miting bilong Papua Niugini Institut ov Intenel Oditas (PNGIIA) long dispela wik.

Konfrens Komiti memba bilong PNGIIA Stotick Kaprangi bin kamap long kisim dispela spona bilong BSP we em mekim bikpela tok tenkyu na amamas go long BSP. Dispela em namba 10 konfrens bilong PNGIIA long makim taim em bin stat kam inap nau.

Kaprangi i tok 2014 i makim namba 10 yia bilong PNGIIA. Taim ol bin stat, BSP bin stap wantaim ol long sapat na spona long ol wok bilong PNGIIA. Long dispela ol i amamas tru.

Sinia Odit Opisa bilong BSP Cathy Pataturana i tok BSP bin givim sapat yet long dispela profesenel grup bikos ol save mekim wok bilong ol bihainim level na mak we i antap wankain long olsem arapela bikpela kantri i save wok bihainim. Olsem na BSP i save amamas long PNGIIA na givim sapat long ol long 2005 i kam inap nau.

Rot bilong kamapim bisnis i save kamap wantaim gutpela tingting na rot, ol teknoloji na salens na hevi we i save givim salens long odit. Dispela bikpela konfrens bai helpim ol long kli-aim ol yet long planti salens na samting i kamap na stap na putim ol yet long mak na rot ol mas go het long en na stretim ol tingting na rot ol mas wok go het long en, em tok.

Dispela konfrens bai sanapim tingting na luksave bilong ol long lukluk long narapela 10-pela krismas i go moa we ol mas kisim salens long lukluk go aut

long arapela kantri na ol salens ol wok long bungim. Na tu klaaim arapela tingting ol ken mekim gut wok bilong ol long kamapim gutpela risal long wok ol save mekim na long kampani o opis ol wok long en.

Dispela em namba 10 yia bilong konfrens na bai kamap long Mosbi long namba 6-7 Ogas, 2014 we ol PNG na sampela ovasis lain bai mekim toktok long taim bilong konfrens. Ol tok-tok bai kamap em; internal oditing, kopret gavenens na hevi i kamap long arapela kantri na yumi tu ken bungim hia long PNG

## Holim graun na bai yu lukim mani: Isoaimo

Stanley Nondol i raitim

LUSIM ol doti pasin, noken raun nating na westim taim, maski long raskol pasin, wok hat long graun na bai yu lukim mani. Dispela em tru blessing God i givim.

Dispela em ol toktok bilong nupela na yangpela memba bilong Kairuku Hiri, Peter Isoaimo i go long ol pipel bilong em long distrik.

Long las wik, Mista isoaimo i bin givim strongpela toktok long ol pipel bilong em olsem ol i mas wok hat long graun na planim ol kainkain agrikalsa prodak olsem rais, kumu, banana, na ol arapela.

Em i tok planti taim ol yangpela i save sanap nating long rot na westim taim bilong ol. "Taim yu holim graun bai yu lukim gutpela kaikai i kamap. Dispela i ken sapatim laip bilong yu, helpim komyuniti long stap gut na helpim ikonomi bilong kantri" Mista Isoaimo i tok..

Mista Isoaimo i bin win long bai ileksen bihain long kot i rausim pastaim memba na minista bilong Edukesen Paru Aihi.

Mista Isoaimo i tok em igat sotpela taim tasol long mekim wok developmen long Kairuku Hiri distrik olsem na em singaut long ol pipel long wok hat na em bai helpim ol.

"Yupela olgeta manmeri, yangpela na lapun i mas wok hat long graun na wokim gaden. Mi stap lng helpim yupela long sindaun bilong yupela. Kam kisim sid bilong kapis, banana, rais na ol gaden kaikai. Taim yupela



Memba bilong Kairuku, Peter Isoaimo

holim graun bai yupela lukim kala bilong mani. Maski long raun natingna mekim ol raskol pasin". Mista Isoaimo i tokim ol pipel long Braun Riva long las wik.

Em i bin tokim ol pipel olsem em i gat plen long kamapim banana fektori long ol pipel i no ken hat wok na salim banana long ol maket long siti.

Em i tok ol bai salim stret long fektori na kisim mani na go bek long haus bilong ol.

Kairuku Hiri i gat bikpela graun raunim Mosbi siti olsem na i gat plen pinis long planim rais long distrik we memba wantaim ol wokman bilongem i wok long helpim ol lain long planim rais.

Mista Isoaimo i tok distrik bilong em i gat mani long wanwan sekta bilong developmen olsem lo na oda, edukesen na arapela.

Mani bilong agrikalsa sekta i stap tasol em i tok em bai helpim ol pipel wantaim ol samting olsem trakta, sid bilong planti ol kaikai, givim bus naip, savol na ol arapela tuls bilong mekim gaden.

## Fainens Seketeri tokaut long non takis reveniu go antap

James G. Kila i raitim

SEKETERI bilong Fainens, Dokta Ken Ngahan i tokaut long Madang olsem Dipatmen bilong Fainens i wok long kisim gutpela mani long non takis reveniu insait long dispela yia tasol na mak bilong mani i wok long go antap.

Dokta Ngahan i tok olsem insait long las 5-pela mun takis ol i kisim i go antap na dispela em gutpela sain.

Fainens Seketeri i tokaut long dispela long las wik Fraide taim em i toktok wantaim ol niuslain long Bogia distrik long Madang provins.

Seketeri Ngahan i bin go lukluk raun long Bogia distrik long lukim ol Treseri Hausing projek long ol distrik treseri wokman meri we dipatmen i plen long wokim long hap.

Dokta Ngahan i tokaut olsem non-takis reveniu i go antap olsem K1 milien long wanpela mun. Olsem na insait long las foa na faipela mun ol i kisim samting olsem K4 milien o 5 milien.

Em i tokaut olsem rekot

bilong dipatmen insait long ol arapela yia i soim olsem nogat mani ol i kisim long sait long non-takis reveniu. Tasol bihain long em i kisim opis, Dokta Ngahan i mekim olsem wanpela bikpela eria we ol i mas kisim takis long en na dispela i kamap orait stret insait long las foa na faipela mun.

Dokta Ngahan i tok sapos dipatmen i bin wokim wankain samting long ol yia i go pinis, em i no save bikos nogat rekot i stap wantaim Fainens Dipatmen, na dipatmen i no save wanem hap olgeta dispela mani i go long en na olsem wanem ol bai mekim wok wantaim mani.

Em i tokaut tu olsem aninit long lidasip o lukaut bilong em, dipatmen i kamap wantaim sampela rot we ol i kamapim ol masin long ol hetkwata na ol provinsel

Dokta Ngahan i tok taim ol i putim kamap ol dispela masin, em bai givim sans long ol pipel long peim sevis fi na ol arapela fi long treseri ofis wantaim ol benk kad bilong ol na ol pipel bai noken wari long peim kes mani.



Mis Julie Woimba i stap long Mosbi na kisim Hom Tieta Spika Sistem na DVD pilaia bilong mama bilong em long BMobile Vodafone.

## Bmobile Vodafone namba 3 wina

BMobile i tokaut long nem bilong meri i winim namba wan prais long resis bilong Stet ov Orijin Hom Tieta Mekpas, olsem em i Rosa Woimba bilong Kiunga.

Long las wik Fraide ol i givim dispela prais em wanpela 32 ins LCD TV, wanpela

Home Tieta Spka Sistem na DVD pilaia.

Misis Woimba i tok, "Olgeta taim mi save laikim wanpela kain samting olsem na taim mi harim long BMobile Vodafone Stet ov Orijin resis, mi ting olsem mi mas winim dispela resis."

"Mi salim planti SMS long las gem na mi amamas tru olsem mi win," em i tok.

Pikinini meri bilong Misis Rose Woimba, Julie Woimba i bin stap long Mosbi long kisim dispela prais.

"Mama bilong mi em i amamas tru long kisim dis-

pela prais. Em i gat wanpela TV pinis na dispela em bai namba 2 na gutpela moa," Julie i tok.

Bmobile Vodafone nau i gat hai spid intanet long Wewak na Alotau tu olsem ol narapela bikpela siti na taun long kantri.



Mis Julie Woimba i stap long Mosbi na kisim Hom Tieta Spika Sistem na DVD pilaia bilong mama bilong em long BMobile Vodafone.

PNG made & **PNG MADE** Trusted Brand

# Baim "PNG Made" na helpim yumi yet

**B**AIM ol samting yumi wokim hia long Papua Niugini i gat planti gutpela sait bilong em na ol bisnis haus long PNG i laikim yumi mas sapotim ol long dispela.

Murray Woo, Menesing Dairekta bilong Woo Textile long Mosbi na Siaman bilong PNG Menufeksera Kaunsil bin tokaut long las yia long dispela tingting long sapotim tru olgeta samting we yumi kamapim hia long Papua Niugini.

Em i gutpela long olgeta lain long komyuniti, gavman, ol kampani na praivet sekta i mas sapotim na baim ol kaikai, klos na ol arapela samting we i kamap hia long PNG stret bikos dispela bai helpim planti lain na kantri bilong yumi long kankain wei.

Namba wan olsem, em i bringim mani kam insait long kantri na gavman bai kisim moa takis long ranim kantri. Narapela olsem ol manmeri i gat wok long mekim na kisim pe long lukautim famili, na ol i gat gutpela sindaun. Ol i ken salim pikinini long

skul na gat gutpela helt sevis. Narapela moa em olsem taim olgeta manmeri i wok bai daunim pasin bilong stil na bagarapim ol arapela lain na bisnis haus inap ran gut na mekim gut wok.

Lokal kampani i save long stap bilong yumi long komyuniti na bai em inap long helpim taim yumi gat hevi, tasol sapos kampani bilong narapela kantri em bai hat liklik. Taim spots grup i askim long sponsa, bai lokal kampani o bisnis haus i ken sapotim .Narapela bisnis long ausait kantri bai i no inap kam long helpim lokal komyuniti.

Lokal kampani i save helpim lokal komyuniti taim pipel i askim long taim bilong hevi olsem bikpela guria bagarapim ples, paia, bikpela tait, o maunten paia na arapela gutpela komyuniti wok.

Em bin i tok moa olsem i tru olsem em i dia tumas long baim samting bilong yumi yet long stua olsem na ol manmeri save laik baim ol samting i kam long ol ara-

pela Esia kantri we ol save salim long daun prais.

Tasol bikpela poin em olsem kos bilong wokim samting long fektori long PNG em i antap tumas bikos ol masin na pats bilong em yumi no mekim long hia. Yumi save kisim i kam long arapela kantri, olsem na kos bilong kamapim samting i save antap long karamapim dispela kos tu.

Ol i ken skelim pe bilong PNG wokman meri na tok olsem pe bilong yumi i antap tumas winim ol arapela kantri long Esia tasol ol samting long kantri bilong ol pe i daun na wantaim liklik pe ol ken peim stret. Tasol yumi long PNG, olgeta samting i dia tumas olsem na maski bikpela pe, ol man i sot yet long kamapim gutpela sindaun," em i tok moa.

Bikpela tok em olsem, sapos yumi baim moa samting we i kamap long PNG stret, yumi kirapim moa wok bilong yumi.

Gavman tu i mas lukluk long we bilong holim ol saveman bilong PNG i stap

long PNG yet. Wankain tu long ol lokol kampani we i save givim wok long ol lokol na ausait man wantaim. Sapos tupela man i mekim wankain wok wantaim wankain save, maski wankain wankain bilong narapela kantri, tupela i mas kisim wankain pe. Dispela bai mekim save-man bilong Papua Niugini long stap yet long kantri.

Nau dispela taim, Papua Niugini kampani i wok long kamap strong moa wantaim ol fektori bilong kamapim ol samting olsem Woo Textile em i samapim klos, Lae Bisket na Paradais Bisket, RD Tuna na Koko Kola, Hugo Canning na planti arapela. Na long sait bilong Agrikalsa olsem Ramu Agri Kalsa, Nu Briten Wel Pam, Niugini Kopi, Nambawan Ti na planti moa.

Planti samting olsem dring o kaikai o klos yumi wok long baim em i kamap long ol bisnis long PNG stret we yumi ken lukim long "PNG Made" logo long sait bilong ol dispela samting yumi baim.

Long sait bilong musik In-dastri tu em lain olsem Chin H Min i save kamapim ol musik bilong yumi yet. Taim yumi baim ol dispela musik keset na CD em yumi i no sapotim tasol lokol atis bilong yumi, nogat yumi helpim long larim mani bilong yumi i stap yet long kantri long helpim yumi yet.

Sapos yumi baim tumas samting long ausait na taim yumi pas long dispela na sapos sampela samting i kamap long ples bilong ol, olsem ol i no moa kamapim rais o suka o kopi ol kain hevi olsem, bai yumi sot olgeta.

Tasol taim yumi gat samting bilong yumi yet na yumi salim i stap, hevi i kamap long ol fektori bilong ol o saplai bilong ovasis i kam long yumi, bai i no nap bagarapim saplai bilong yumi.

Tasol yumi mas kamapim moa, moa yet samting bai yumi ken salim i go ovasis. Taim ol lain olsem pilot o dokta o ikonomis bilong PNG i save wok wantaim

arapela lain bilong arapela kantri i save lukim olsem ausait man i kisim moa pe dispela i mekim ol long lusim wok na go painim wok long ovasis.

Tasol long narapela rot tu, em i gutpela long Papua Niugini i mas kamapim moa skul na lainim moa saveman meri na salim ol i go aut long wol na wok long ol arapela kantri. Yumi mas gat maket bilong menpawa tu. Yumi mas tingting long bihain olsem taim populesen bilong yumi i gro moa, bai olgeta wok i no inap long namba bilong saveman bilong yumi tu.

Namba bilong ol manmeri long PNG i stap nau long 7.1 milien mak tasol i wok long gro hariap na i no long taim bai yumi kamap 20 milien pipel nau bai hat moa long olgeta lain kisim gutpela wok.

Olsem na sapotim PNG Made Prodak em bikpela samting long lukautim yumi long bihain taim we mani i stap hia na moa wok i kamap long sapotim ol pipel.

# DIANA

## Tuna



Emi tuna blong PNG

PROUDLY  
**PNG MADE**

Manufactured by:



RD Tuna Cannery Ltd.



# Indipenden Ripot Tokaut olsem Basamuk DSTP no kamapim bagarap

**WANPELA** independen ripot bihain long wanpela bikpela wok painimaut i tokaut olsem dispela dipi teulings plesmen(DSTP) o rot Ramu NiCo (MCC) i save yusim long tromoi ol pipia blong en i go daun long solwara em i seif na i no bagarapim solwara, na laip bilong ol enimol aninit long solwara.

Dispela ripot i kamaut bihain long wanpela independen konsalten Ian Hargreaves and Associates (IHA) Scientists Pty Ltd bilong Australia i karimaut wok painimaut. Dispela wok painimaut em Dipatmen ov Enviromen na Konsevesen (DEC) i bin makim ol long mekim long givim independen ripot i go long Gavman blong PNG.

Ol i bin kamapim dispela ripot long Jun 9, 2014 na givim long PNG Gavman long opis bilong DEC, Mineral Risoses Atoriti (MRA) na Madang Provinsal Gavman long Jun 10, 2014.

DSTP em wanpela bikpela toktok we kot i bin kamap long en namel long ol papagraun blong Basamuk na Ramu NiCo Projek.

Dispela ripot bilong IHA nau i ken givim gutpela tingting na bel-isi long ol papagraun, we planti long ol i save harim ol kain kain faol toktok bilong ol non-gavman ogenaísesen (NGO) na i save mekim kain kain toktok krangki.

Ripot i soim olsem olgeta wok painimaut i bin kamap long tripela taim na long tripela level. Wanpela long mun Mas i go mun Epril, na narapela long mun Oktoba i go long Novemba, na namba tri em long Novemba i go long mun Disemba 2013.

Dispela wok painimaut i gat 8-pela hap blong en long luksave long wan wan kona olsem sekim ol koral rif, ol pis na enimol aninit long solwara, sekim ol graun na wesana aninit long solwara na arere long nambis klostu long ol ples. Wok painimaut i sekim tu ol eria arere long ples long ol bikpela samting i stap long en.

Wok painimaut long sekim enviromen i bin kamap long solwara long Basamuk, i go olsem long Saidor na surik i go olsem long Alexishafen na Riwo viles klostu long Madang taun.

Ripot i tokaut olsem insait long dispela wok painimaut ol i lukim

olsem nogat wanpela samting i senis o narakain olgeta long eria we i bin stap long 2007 inap long 2013 taim ol i karimaut ol tes gen.

Ripot i tok ol graun na wesana arere long nambis tu we ol i sekim i no soim wanpela sain o mak blong ret-pela graun malumalu o slari we i kamaut.

Dispela independen ripot bilong IHA i tokaut olsem olgeta samting aninit long solwara i stap orait na nogat birua o bagarap i kamap long ol enimol aninit long solwara long wesana na tu long rif na ol eria arere long DSTP. Ol wara arere we IHA i mekim tes long en i soim tu olsem nogat bagarap o marasin bilong maining wok i stap long en.

Menesmen bilong Ramu NiCo (MCC) i tok amamas long dispela ripot bilong IHA na i tokaut klia olsem ol bai wok oltaim long lukim olsem nogat bagarap o hevi i kamap long samting long bus, graun wara na solwara long ples ol i mekim wok i stap long en.

Ripot ya nau i ken givim bel-isi long sampela ol lain papagraun na ol lain long ol ples arere long Madang na Raikos distrik.

Moa long en tu em i ken givim bel-isi long planti ol lain pipel husat i stap arere long solwara na tu long ol ailan long Madang, we NGO lain i save giamanim ol tumas long kain kain mauswara bilong ol olsem DSTP bai kilim indai olgeta pis na enimol long solwara.

Planti ol lain NGO husat i save givim kain kain mauswara blong ol long ol pipel i no save bringim gutpela developmen o bringim mani long ol komyuniti. Ol i save stap tasol na driman long kain kain stori na salim ol lain bilong ol goaut long paolim tingting bilong ol pipel long ples.

**3. Ol rif stap orait na solwara klin tru na ol pikinini long ples Duman i waswas long sait.**

**4. Maus bilong Yaganon riva i stap klin tru na bungim solwara.**



Solwara long Basamuk Be i klin na stap nais stret.



Ol wok painimaut long nambis soim olsem ples i stap orait.



## Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisanim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikpela wok konstraksen long namba tu hap bilong 2008. I kam inap nau, olgeta bikpela konstraksen wok long Krumbukari main sait na Basamuk rifaineri i pinis, na projek i stap redi long kisim komisani o tok orait long mekim wok. Long wol tu, dispela kain hariap sanapim em i no kamap bipo long wanpela kain bikpela projek olsem, na i daunim olgeta

salens bilong graun na masin bilong mekim wok.

**Ol dispela namba i soim klia mak bilong wok mipela i pinisim:**

- Moa long 4.5 bilian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

**'Wanpela Ramu NiCo, Wanpela Komyuniti'**

# Apma Cavers kam gut long Melanise Ats Festival

**Veronica Hatutasi i raitim**

**ATS na kraf i bin kamap strong long namba 5 Melanisen Ats na Kraf Festival long Mosbi i bin pinis long las wik Fraide.**

Dispela Ats na kalsa festival i bin kamap long tupela wik, stat long Jun 28 na pinis long Julai 11, 2014.

Wanpela long ol grup i bin stap na soim ol gutpela samting ol i wokim long ol diwai na han bilong ol yet em long "Apma Cavers bilong Angoraom eria long Is Sepik Provins.

Sampela long ol dispela yangpela man i wok wantaim Pryde Furniturena long fri taim bilong ol, ol i save wok long ol atwok bilong ol.

Ol i save yusim ol strongpela diwai olsem kwila na rosewud diwai long mekim ol "stori bod" disain kaving.

Apma Cavers i gat samting olsem 30 memba na ol i wok olsem ol wud atis long samting olsem 20 krismas nau.

Long dispela wok olsem ol wud atis, ol i gat ol kastoma long PNG na ovasis, na dispela em wanpela rot ol i save kisim mani long en.

Man i makim grup long stol o liklik ples ol i bin stap long en long festival graun long Waigani em Gilbert Lowe.

"Pastaim mipela i save wokim stori bod disain, tasol nau mipela i mekim ol disain long ol tebol long opis na bilong ol konprensum.

"Em i save kisim wanpela wik long wok long wanpela tebol na ol disain i go long en.

"Planti lain i gat laik na putim askim long ol wud kaving bilong mipela," Gilbert i tok.

Ol i save salim ol wud at bilong ol long Ela Bis kraf

maket.

Dispela em namba tri Melanisen Festival ov At sol i go insait long en na soim ol wok bilong ol.

"Ol samting mipela i wokim em bilong yusim long opis. Mipela i kisim liklik tasol long soim long pablik i kam long festival," Gilbert i tok.

Ol bod na tebol disain bilong ol i luk nais stret olsem yu ken lukim long ol dispela piksa we Wantok i raun long festival taim kisim.

Planti pipel i bin raun lukim stol bilong ol na tu, baim sampela long ol prodak bilong ol.

## Melanisen Ats Festival pulim kala bilong PNG Ats na Kraf

**Veronica Hatutasi i raitim**

TUPELA wik namba 5 Melanisen Festival ov Ats na Kalsa (MFA) i bin pulim planti PNG na tu, ol Melanisen brata na susa bilong yumi long Fiji, Solomon Alilan, Vanuatu, Nu Kaledonia, Tores Streit na Wes Papua long soim ol ats na kraf bilong ol.

Festival ya i bilong soim ol tumbuna kalsa, bilas, singsing, danis, ol stori na tu, ol samting we pipel i save wokim wantaim han bilong ol. Ol i save kolim dispela eria, ats na kraf.

Em i karamapim ol eria olsem ol at wok pipel i droim long pepa, klos, waisan, penim, ol kaving pipel i wokim ol samting long ol diwai samting, ol henkraf

olsem ol basket, bilum, skrin prining, ol bits ol i wokim long ol sel na sid bilong diwai, ol kala laplap ol i daim wantaim pein, ol kleipot o sospen ol i wokim wantaim tais na moa.


Bikpela festival graun long Waigani i bin pulap long ol kala kala atifeks, henkraf na klos we ol liklik manmeri i bin kisim i kam long soim na salim long wokim liklik makmak bilong ol.

Yumi ken lukim olsem kain bikpela festival olsem i save helpim tu ol liklik pipel long ol viles i soim kala na save bilong ol na tu, sans long wokim mani.

Hia em piksa bilong sampela henkraf na kaving i bin kam gut na bringim kala na ol kastoma bilong ovasis na PNG yet long Melanisen Ats Festival graun long Waigani.



**OL WUD ATIS:** Albert Lowe, Gilbert Woimba na Elton Yangum em tripela memba bilong Apma Cavers i bin gat hap long soim ol wok bilong ol.



**NAISPELA:** Sampela ol wud atwok na droing na kaving bilong ol Apma Cavers. *Ol Poto: Sandra Amuru*

## Simbai bai gat grin bin kopi fektori klostu taim

**James G. Kila i raitim**

MINISTA bilong Agrikalsa na Memba bilong Midel Ramu, Tommy Asik Tomscoll i tokaut olsem ol pipel bilong Simbai klostu taim bai gat wanpela grin bin kopi fektori long ples bilong ol stret.

Grin bin kopi em i dispela we masin i redim pinis long salim i go long ovasis maket.

Mista Tomscoll i tok long nau yet, em i wok hat long redim ol pepa wok long kisim ekspot laisens bilong distrik bilong em long Midel Ramu, na dispela projek bai kamap klostu taim.

Em i tokaut olsem mani mak bilong wokim kamap dispela gri -bin kopi fektori em K1.5 milien.

Minista i bin mekim dispela toktok taim em i mekim lukluk raun bilong em i go long Simbai.

Mista Tomscoll i tok tu olsem gutpela stori long projek em bai kirapim em Prais Minista, Peter O'Neill bai opim na komisanim dispela nupela grin bin kopi fektori.

Mista Tomscoll i tok ol kopi fama bilong Simbai eria long

Midel Ramu distrik bai kisim gutpela helpim i kam long Kopi Industri Koporesen long sait long maketing kopi long ol.

Em i tok olsem Nesenel Gavman i givim pinis mani helpim i go long Kopi Industri Kopresen (CIC) long helpim ol fama long bus ples insait long kantri we i save groim kopi.

Minista Tomscoll i tok long nau yet, em i wok wantaim CIC long redim ekspot laisens bilong salim kopi long distrik blong em i goaut long ovasis maket. Olsem na em i wok nau long redim ekspot laisens.

Simbai em wanpela namel ples insait long Madang provins we i save groim gutpela kopi, tasol hevi bilong trenspot tasol i save givim hat taim long ol fama long go salim kopi bilong ol.

Planti taim ol kopi fama bilong Simbai i save kisim kopi bilong ol long balus na go salim long Hagen long Westen Hailans provins, bikos em klostu long go olsem long hap. Tasol ol fama i save tromoi bikpela mani long baim freit bilong balus.

# Digicel Kap top 8 i redi

BIHAIN long raun 15 bilong Digicel Kap long las wik, PNGNRL i tokaut long ol top 8 tim husat bai pilai long fainel bilong Digicel Kap.

Ol Dispela tim em Lae Snax Tigers, Agmark Gurias, Mendi Muruks, Hela Wigmen, Port Moresby Vipers, Goroka La-

hanis na Simbu Lions.

Gulf Isapeas na Hagen Eagles i aut long kompetisen na bai traime gen long neks yia. Eagles i pinisim dispela yia wantaim 10 poin na Isapeas i pinis wantaim 8 poin.

Lahanis na Lions bai stap malolo long dispela wiken na

ol arapela siksipela tim bai pilai egensim ol yet.

Lae Snax Tiger i sindaun long lata wantaim 26 poin na ol bai kisim maina primia bihain long gem bilong ol long dispela wiken. Maski ol i lus o win, ol bai kisim yet.

Gurias, Wigmen na Mioks i

gat 20 poin na ol dispela tripela tim i redi long ol gem bilong ol long dispela wiken.

Vipers na Lions i sindaun long lata wantaim 16 poin na Muruks na Lahanis sindaun wantaim 15 poin.

Olgeta gem bilong Digicel Kap bai kamap long Sande.



Lae Snax Tigers em Maina Primia bilong Digicel Kap long dispela yia. *Poto PNG Loop*

## DWU SRC givim ripot bilong Yunivesiti Gems

STUDEN Representiv Kaunsel (SRC) bilong Divain Wod Yunivesiti (DWU) i presenim ol tropi na ripot i go long ol sumatin na edministresen long las wik.

Spot Representiv bilong DWU SRC, Donatus Sabadi, i bin presenim tupela tropi na wanpela Asaro Mudmen Mask i go long Vais Presiden bilong Studen Afeas, Ted Alau.

Dispela tupela tropi em ragbi tas tim bilong ol man, na ragbi tas sevens miks tim i winim long Yunivesiti Gems we i bin kamap long Yunivesiti ov Goroka (UOG) long las mun.

Spots opisa bilong DWU, Vincent Keto, i tok dispela tupela tim i bin pilai gut tru, na long dispela as, ol i winim tropi.

Tupela sumatin bilong

DWU husat i bin soim gutpela pilai na gutpela lidasip long dispela Yunivesiti Gems em Maureen Haro na David Wessem.

Lidasip bilong dispela tupela pilaia i bin helpim tim DWU long winim dispela tupela tropi. Maureen em wanpela nesanel representiv long Wimens Ragbi Sevens na David em wanpela nesanel representiv long hai jamp.

Mista Alau i bin amamas tru taim em i kisim dispela tupela tropi na mask.

Dispela mask ol i presenim em i soim olsem ol i kisim gutpela risal na win long Goroka.

Mista Alau i tokim ol sumatin olsem ol i bin makim gut skul bilong ol na ol i mekim DWU i amamas.



Membra bilong DWU SRC Donatus Sabadi i givim ripot long ol sumatin na edministresen.

## Cricket PNG kisim nupela het kosa

CRICKET PNG i tokaut olsem pastaim pilaia bilong Nu Silan, Dipak Patel, bai stap olsem het kosa bilong olgeta kosa long Cricket PNG stat long nau i go inap yia 2016.

Mista Patel bai stap long Pot Mosbi, na em bai wok klostu wantaim ol kosa na ol pilaia. Em bai wok klostu wantaim ol junia na sinia pilaia, na tu, em bai wok klostu wantaim wimens kriket tim.

Mista Patel bai kam insait long kantri long mun Ogas. Namba wan wok bilong em bai lukim em i helpim ol Barramundi long redi long SACA Primia Lig na ICC EAP T20 Kwalifaia.

Bihain long dispela, em bai helpim ol PNG Lewas na Garamauts long redi long 2015 Wol Kap Kwalifaia.

Mista Patel i bin save pilai olsem wanpela beta na boula wantaim. Mama i karim em long Kenya tasol em i bin stat long pilai kriket long Inglan.

Long 1986 em i bin go stap long Nu Silan, na long 1987, em i makim Nu Silan long namba wan intenesenel tes gem bilong em egensim Wes Indies.

Long 1992 em i pilaim namba wan One Day International (ODI) gem bilong em egensim Inglan.

Long 1997 em i pinis pilai na stap olsem wanpela kosa

long Nu Silan.

Jenerel Menesa bilong Cricket PNG, Greg Campbell, i tok em i amamas tru long Patel i kamap olsem het kosa bilong Cricket PNG.

Mista Campbell i tok Patel bai helpim planti kriket pilaia bilong Papua Niugini long i go long neks level, na tu, pilai gut long intenesenel level.

Em i tok Cricket PNG i nidim wanpela man olsem Patel husat i gat planti eksperiens. Em i gat bilip olsem Patel bai mekim bikpela senis.

Mista Patel i tok em i amamas long stap olsem het kosa bilong Cricket PNG, na em i redi long wok klostu wantaim



Dipak Patel taim em i bin save pilai wantaim Nu Silan

ol pilaia na ol kosa.

"Mi laik helpim long developim na strongim ol anda 19 (Garamauts), na tu, ol primia (Barramundi)."

## Trukai Harlequins sapotim ol skul

TRUKAI Harlequins ragbi yunion klap long Pot Mosbi i gat ol komyuniti program long wok bung wantaim ol skul na givim ragbi trening long ol sumatin.

David Westley wanpela pastaim ragbi pilaia bilong PNG Kumul bai go pas long dispela program long givim ragbi trening long ol sumatin bilong Bavaroko, Wardstrip na Wildlife Praimeri Skul.

David Westley em i gat spot ogenaisesen bilong em yet. Em i kamapim long helpim ol yangpela pikinini husat i gat driman long pilai ragbi.

Mista Westley em i gat 10 yia eksperiens long pilai ragbi long intenesenel level. Long NRL long Australia, em i bin pilai wantaim ol tim olsem Canberra Raiders, Parramatta Eels na Manly Sea Eagles.

Long 1995 em i bin makim Papua Niugini long ragbi lig wol kap.

Mista Westley em i gat 10 yia eksperiens long stap olsem kosa bilong ol pikinini na ol bikpela pilaia tu.

Mista Westley i tok em i amamas long dispela sans we Trukai Industri na Harlequins Ragbi Yunion klap i givim em long helpim ol yangpela sumatin long ol skul.

Billy Rapilla, Presiden bilong Trukai Harlequins i toki planti bilong ol yangpela pilaia bilong Trukai Harlequins i save kam long ol dispela skul.

Em i tok planti bilong ol dispela pilaia i bin stat pilai wantaim Trukai Harlequins taim ol skul long ol dispela skul, na bihain ol i kamap bikpela na makim kantri bilong ol long nesanel level.

Em i tok dispela program em i wanpela samting we Trukai Industri i mekim long tok tenk yu long ol dispela skul.

Trukai Harlequins i save yusim skul oval bilong Bavaroko long trening, na tu, kamapim ol ragbi program.

Trukai Harlequins i bin helpim Bavaroko long stre-tim skul oval. Na klap i gat plen long helpim long developim spot fasiliti bilong dispela skul.

## Lukaut long ol giaman t-siot

OL polis long Lae i bin reid long ol stua long Lae na ol i lukim planti ol giaman t-siot bilong Agmark Gurias long ol dispela stua.

Polis i reidim moa long 12-pela stua, na olgeta ol dispela stua em bilong ol bisnis man bilong Saina.

Dispela ol giaman t-siot i wok long bagarapim gutpela wok bisnis long kantri. Ol kampani husat i save sponso long ol tim bilong Digicel Kap i givim strongpela toktok i go aut long ol manmeri long no ken baim ol

dispela giaman t-siot.

Dispela ol bisnis manmeri husat i save mekim na salim ol giaman t-siot i brukim mama lo bilong kantri.

Ol sponso i save yusim bikpela mani tru long sapotim ragbi lig insait long kantri. Agmark Gurias i save yusim mani inap long K2 milien long pilai long wanpela yia.

PNG Hunters i wok long bungim wankain hevi long dispela taim tu na ol i wok yet long painim gutpela rot long daunim dispela hevi.



Giaman t-siot bilong Agmark Gurias long wanpela stua long Lae.

# Tim PNG mas pilai strong

**MAUS MERI** o lida bilong Tim PNG i go pilai long Komonwelt Gems long Skotland, Emma Waiwai, i toktok strong long ol etlit long pilai strong na kisim gutpela risal na mekim kantri i amamas.

Misis Waiwai i tok em i gat bilip olsem ol etlit bai pilai strong na kisim gutpela risal na mekim kantri i amamas.

Em i tok planti ol etlit i wok long mekim liklik trening bipo long ol i pilai. Na tu, sampela tim i pilai long ol trail gem bipo long opisal opening.

Oi tim husat i pilai long ol trail gem em Ragbi Sevens na Bowling. Long ragbi sevens, PNG i bin lus 30-20 long Kenya.

Kosa bilong PNG Ragbi Sevens, Fereti Verebula, i tok ol i wok long redim gut ol pilaia, na dispela trail gem i givim gutpela ekspiriens bipo long ol i pilai stret.

Long Bowling, Tim PNG i pilai egensim wanpela lokal klap bilong Skotland, na ol i kisim sampela gutpela risal.

Fleg Reising Seremoni i bin kamap long Mande 21 Julai (PNG taim) long Skotland taim, em i kamap long Sande 20 Julai.

Misis Waiwai i tok Skotland

i bin welkamim gut tru ol spot manmeri bilong ol Komonwelt kantri na em i amamas tru long dispela.

"Dispela welkam seremoni em wanpela gutpela ekspiriens yumi ol Papua Niugini i ken lainim na bihainim long taim bilong 2015 Pasifik Gems," Misis Waiwai i tok.

Sampela ol memba bilong Tim PNG i no kamap yet long Skotland, na Misis Waiwai i tok ol bai kamap bihain long dispela wik i pinis.

## Komonwelt Ragbi Sevens bai stat long wiken

TOKSAVE i kam long ol opisal bilong 2014 Komonwelt Gems long Skotland i tok olsem ragbi sevens kompetisen bai stat long dispela wiken.

Oi sempion bilong Komonwelt Ragbi Sevens, Nu Silan, bai opim kompetisen taim ol i pilai egensim Kanada.

Australia husat i bin pilai long gren fainel long pastaim Komonwelt Gems bai pilai wantaim Sri Lanka bihain long gem bilong Nu Silan na

Canada.

Papua Niugini i bin winim Bowl long 2010, na dispela yia, ol i gat strongpela tingting long kisim gutpela risal moa long dispela ol i kisim long bipo.

Papua Niugini i stap long Pul C wantaim Samoa, Wales na Malaysia.

Samoa na Wales em ol strongpela tim long ragbi sevens na Papua Niugini bai wok hat sapos ol i laik winim dispela tupela tim na kwalifai long pilai long fainels.



Oi memba bilong Tim PNG long Flag Reising Seremoni.



PNG Ragbi Sevens tim long trail gem bilong ol wantaim Kenya

# Komyuniti Grup bai wok bung wantaim GOC

**Isaac Liri i raitim**

OL Wimens Grup insait long Pot Mosbi i kisim toksave i kam long Pasifik Gems Oge-naising Komiti (GOC) long wok bung wantaim na wok redi long 2015 Pasifik Gems.

Long Hohola long Pot Mosbi, NCD Wod 7 Wimens Grup i bung wantaim long las wiken long mekim awenes, na tu, wok bung wantaim GOC long bringim spirit bilong Pasifik Gems i kam klostu.

Dispela de i bin kamap gut tru taim ol man husat i bin stap long hap i lukim kain kain danis stail bilong Pasifik

we ol memba bilong Wod 7 Wimens Grup i mekim.

Oi i bin luk nais tru wantaim ol bilas bilong ol, na opisal maskot bilong 2015 Pasifik Gems, Tura Kokomo, i stap long amamas wantaim ol.

Eksekutyutiv Menesa bilong Maketing na Komyunikesen bilong GOC, Ken Siminji, i tok GOC bai nidim helpim bilong ol Wimens Grup long dispela taim.

Em i tok ol Wimens Grup i ken helpim long planti rot olsem go pas long mekim ples i klin, stretim kaikai bilong ol etlit na opisal, na ol arapela wok tu.

Em i tok GOC i wok long

stretim ol toktok yet long wok bung wantaim ol Wimens Grup, Yut Grup na Sios Grup.

Em i tok dispela em gutpela sans long mekim planti ol manmeri insait long ol komyuniti i pilim spirit bilong dispela bikpela pilai.

Mista Siminji i tokim ol Wimens Grup long stretim ol yet gut sapos ol i laik wok bung wantaim GOC.

Oi manmeri husat i save stap insait long Pot Mosbi i kisim toksave tu long mekim ples i luk klin na seif long dispela taim.

Gavana bilong NCD i bin givim dispela toktok long midia pinis, na Mista Siminji i

givim dispela toktok gen long taim ol i bung wantaim ol Wimens Grup.

Plen bilong GOC em long mekim planti awenes insait long Pot Mosbi na long ol arapela provins bilong Papua Niugini.

Mista Siminji i tok gutpela awenes bai mekim dispela bikpela pilai i kamap gut.

**NCD Wod 7 Wimens Grup i luk nais wantaim ol bilas bilong ol.**



*- Ol Weekend Spot Dro -*

Week 16	Home	Away	Venue
27-Jul	Tigers	Vipers	Lae
27-Jul	Gurias	Wigmen	Kokopo
27-Jul	Muruks	Mioks	Mt Hagen

**SP Pot Mosbi Ragbi Lig Dro: Raun 8**

Hawks	Vs	Hohola
Kone Storm	Vs	Paga Panthers
Tarangau	Vs	West
Brothers	Vs	Souths
Butterflies	Vs	Royals
Dobo Warriors	Vs	Malari Eagles
Kone Tigers	Vs	Defence
Magani		Bye

# Tura bai raun long wan wan provins

Isaac Liri i raitim

**GEMS Ogenaising Komiti (GOC) i tokaut olsem opisal maskot bilong 2015 Pasifik Gems, Tura Kokomo, bai raun long wan wan provins long kantri long mekim awenes bilong dispela bikipela pilai.**

Tura i raun long planti hap insait long Nesenel Kapital Distrik (NCD) na Sentral provins pinis. Long las mun Tura i bin raun i go long Kokopo na long Tabubil.

Stat long dispela mun i go inap Novemba, Tura bai raun i go long ol arapela provins.

Eking Sif Eksekutyut Opisa (CEO) bilong GOC, Clint Flood, i tok raun bilong Tura i go long ol arapela

provins em i wanpela bikipela samting bikos em bai soim ol manmeri long ol long hap olsem 2015 Pasifik Gems em i wanpela bikipela samting, na sapot bilong ol provins bai mekim dispela bikipela pilai i kamap gut.

"Dispela bikipela pilai em i bilong olgeta manmeri bilong Papua Niugini olsem na mipela i laikim olgeta long pilim spirit bilong dispela bikipela pilai," Mista Flood i tok.

Making Eksekutyut bilong GOC, Ken Siminji, bai go pas long raun bilong Tura i go long ol wan wan provins.

Mista Siminji i tok wok bilong Tura em i wanpela bikipela samting tru bikos em bai pulim tingting bilong ol pipel long redi long dispela bikipela pilai.

Mista Siminji i tok olgeta senta o taun insait long wan wan provins bai gat sans long lukim Tura na serim ekspirians bilong 2015 Pasifik Gems.

Raun bilong Tura i go long wan wan provins bai lukim ol opisa bilong GOC i toktok wantaim ol provinsal gavana na ol edministreta long kamapim wanpela hap insait long wan wan taun insait long ol provins long soim laiv piksa bilong Pasifik Gems.

Long dispela wik Tura wantaim ol memba bilong GOC i stap long Manus. Long pinis bilong dispela mun, ol bai go long Nu Ailan.

**(L-R) Eking CEO bilong GOC, Clint Flood, Tura Kokomo, na Making Eksekutyut bilong GOC, Ken Siminji.**



## Lae Sekenderi winim skul kriket

LAE Sekenderi skul i bin winim anda 19 Gol Naget Skul Kriket kompetisen long las wik Sarere long UNITECH oval.

Lae Sekenderi i winim Bumaiyong Sekenderi Skul wantaim foapela rans tasol.

Dispela gren fainel i bin lukim Lae Sekenderi i mekim disisen long bet pastaim, ol insait long tenpela ova, ol i kisim 72 rans. Ol bowla bilong Bumaiyong i bin autim tupela beta tasol.

Kepten bilong Lae Sekenderi, Samuel Lui, i bin pilai gut tru na kisim 39 rans. Ol bowla bilong Bumaiyong i bin painim hat long autim em.

Ol beta bilong Bumaiyong i bin pilai gut tu, tasol ol i bin sot long foa rans bikos ol bowla bilong Lae Sekenderi i givim hat taim long ol.

Bumaiyong i mekim 66 rans insait long tenpela ova, na ol bowla bilong Lae Sekenderi i autim siksipela beta bilong Bumaiyong.

Rijonal Menesa bilong Cricket PNG long Morobe, Rodney Maha, i tok dispela em namba wan taim bilong Morobe long lukim wanpela kain skul kriket kompetisen olsem, na em i amamas tru.

Em i tok tenk yu long ol



**Kepten bilong Lae Sekenderi, Samuel Lui, i kisim Man the Match awod bilong dispela gren fainel.**

sapota, sumatin, kosa, referi, na tisa long givim taim na sapot bilong ol long dispela kompetisen.

Dispela skul kriket kompetisen i bin lukim ol sumatin i pilai wantaim strongpela bal. Mista Maha i tok tenk yu long ol tisa long givim tok orait long dispela.

Gem Developmen Menesa bilong Cricket PNG, Gayan

Loku, i bin tok tenk yu long Paradise Foods long stap olsem sponsa bilong dispela kompetisen.

Gren fainel bilong ol anda 19 meri divisen bai kamap long dispela Fraide Ogas 1 long UNITECH oval.

Gol Naget Skul Kriket Kompetisen bai kamap long Sentral, Westen Hailens, Milen Be na Madang long neks mun.

## Raukele winim ITI T20 kriket

Isaac Liri i raitim

RAUKELE em sempion bilong ITI T20 kriket long 2014 bihain long ol i winim United long wanpela strongpela gren fainel pilai long las wik Sande long Colts, Pot Mosbi.

Ol ampaia i bin stopim gem long namba 13 ova taim ol United i bin bet. Gem

i bin stop bikos ol sapota bilong United i bin tok no gut long ol pilaia bilong Raukele. Dispela i bin lukim tupela pilaia bilong Raukele i pait wantaim ol sapota bilong United.

Ol opisal bilong tupela tim i bin kam insait na stopim dispela pait bipo long em i go bikipela olgeta.

Dispela pait i bin kamap

taim United i gat 122 rans wantaim 7-pela ova i stap bipo long pilai i pinis.


Raukele i bin bet pastaim long United na ol i kisim 193 rans. Ol bowla bilong United i bin autim 7-pela beta bilong ol.

Ol United i bin gat planti sans long win tasol ol bowla bilong Raukele i bin autim olgeta yet long namba 17 ova.



**Beta bilong United i ran strong na putim bet long lain long soim olsem em i no aut taim wicket kipa bilong Raukele i redi long ketsim bal.**

### - Ol Weekend Spot Dro -



### SP Pot Mosbi Ragbi Lig Dro: Raun 8

Hawks	Vs	Hobola
Kone Storm	Vs	Paga Panthers
Tarangau	Vs	West
Brothers	Vs	Souths
Butterflies	Vs	Royals
Dobo Warriors	Vs	Malari Eagles
Kone Tigers	Vs	Defence
Magani		Bye





# SPOTS DRO RAUN 20

Fraide: Julai 25, 2014



7.40pm

Hunters Stadium

Knights V<sup>s</sup> Roosters



7.40pm

Suncorp Stadium

Broncos V<sup>s</sup> Storm



Sarare: Julai 26, 2014



3.00pm

Carrington Park

Panthers V<sup>s</sup> Sharks



5.30pm

Cbus Super Stadium

Titans V<sup>s</sup> Eels



7.30pm

ANZ Stadium

Bulldogs V<sup>s</sup> Cowboys



Sande: Julai 27, 2014

2.00pm



Mt Smart Stadium

Warriors V<sup>s</sup> S/Eagles



3.00pm

ANZ Stadium

W/Tigers V<sup>s</sup> Dragons



Mande: Julai 28, 2014

7.00pm



GIO Stadium

Raiders V<sup>s</sup> Rabbitohs



## Ol poto na stori i kam long NRL websait



**BRONCOS:** Broncos i lukluk long winim ol Melbourne Storms long dispela wiken. Gutpela nius bilong ol Broncos em olsem bipo kosa bilong ol Wayne Bennett bai kamap kosa bilong ol gen.

### PENRITH:

Hapbek bilong Penrith Panthers, Peter Wallace, bai mekim kam bek bilong em long dispela wiken bihain long em i bin kisim bagarap na stan aut.



**Tuquri:** Lote Tuquri bilong South Sydney Rabbitohs bai no inap long pilai long Mande egensim Canberra Raiders bikos em i bin mekim wanpela no gut takel long sta pilai bilong Parramatta Eels, Jarryd Hayne.

## Raun 19 Poin Lata

Pos	Tim	W	B	L	D	Pts
1.	Sea Eagles	12	2	5		28
2.	Panthers	11	2	6		26
3.	Bulldogs	11	2	6		26
4.	Rabbitohs	10	2	7		24
5.	Roosters	10	2	7		24
6.	Warriors	9	2	8		22
7.	Broncos	9	2	8		22
8.	Storm	9	2	8		22
9.	West Tigers	9	2	8		22
10.	Cowboys	8	2	8		20
11.	Dragons	8	2	9		20
12.	Titans	8	2	9		20
13.	Eels	8	2	10		20
14.	Knights	5	2	12		14
15.	Raiders	5	2	13		14
16.	Sharks	4	2	13		12

## Hunters bai bekim dinau o nogat?

KOSA bilong PNG Hunters Michael Marum i lukluk strong long winim ol Burleigh Bears long dispela wiken long Kokopo.

Las taim dispela tupela tim i pilai em long raun 9 na ol Bears i bin winim ol Hunters 26-22.

Marum i save olsem dis-

pela gem bai wanpela strongpela gem tasol astingting bilong em wantaim ol pilaia, em long bekim dinau bilong ol.

Marum i save olsem Burleigh Bears bai pilai strong moa bikos ol i nidim wanpela win long stap insait long fainel.

Ol Bears i bin lus long las wiken na ol i sindaun namba 7 long lata bihain long ol Hunters long namba 6.

Marum i toktok strong long ol pilaia bilong em long pilai strong dispela wiken. Em i tokim ol long noken

pilai olsem las wiken bikos dispela kain pilai bai mekim ol i lus.

Lain ap bilong ol Hunters em 1. Israel Eliab © 2. Garry Lo 3. Thompson Teteh 4. Jason Tali 5. Adex Wera 6. Dion Aiye 7. Roger Laka 8. Timothy Lomai 9. Wartovo Pura 10. Esau Siune 11. David Loko 12. Sebastian Pandia 13. Adam Korave 14. Noel Zeming 15. Willie Minoga 16. George Benson 17. Brandy Peter 18. Albert Patak 19. Edward Goma 20. Stanton Albert.

Tupela pilaia bai aut bipo long gem i stat long Sarere.

## QRL Intrust Super Cup draw

Round 21 (26-27 July)

Home	Vs	Away
Redcliffe		Mackay
Souths		Norths
PNG		Burleigh
Sunshine Coast		Bye
Wynnum		Pride
Tweed		Capras
East		Ipswich

Pos	Tim	W	B	L	D	Pts
1.	Northern Pride	15	2	3	0	34
2.	East Tigers	12	2	5	1	29
3.	TH Seagulls	12	2	5	1	29
4.	WM Seagulls	13	1	6	0	28
5.	Ipswich Jets	12	1	7	0	26
6.	Hunters	10	1	8	1	23
7.	Bears	9	1	9	1	21
8.	Magpies	8	2	10	0	20
9.	Mackay Cutters	8	2	10	0	20
10.	Devils	7	2	11	0	18
11.	Dolphins	6	2	11	1	17
12.	CQ Capras	3	2	14	1	11
13.	S Coast Falcons	1	1	18	0	4

# Ol spot eksen poto long wiken...



OI Poto Nicky Bernard.

ORI WAN: Tim Gordons Kokofas long PNGAFL resis.



MI KISIM YA: Gordons Kokofa pilaia na Bomana Cats pilaia i kalap go antap long resis long kisim bal tasol Cats pilai i winim resis long kisim bal AFL pilai bilong long Mosbi.



Pilaia bilong Maclarens i putim bal long fran bilong em taim kepten bilong Yamaros i lukluk na banisim em long Pot Mosbi soka resis.



GO LONG WEI: BNG ketsa i traim long ketsim bal taim man bilong paitim bal i lukluk long em long Pot Mosbi kriket pilai.

**TOKSAVE:** Salim ol spots dro bilong yu kam long Feks; 325 2579, e-mel;[bveo@wantok.com.pg](mailto:bveo@wantok.com.pg) o kam lusim long Wantok Niuspepa opis long Able Building Complex long Central Waigani, NCD.



**TUNA IN OIL**

*Moa oil na meat insait*

**Digicel Kap top 8 i redi - P24**

**Spot dro raun 20 - P26**



**Ol spot poto - P 27**

# Hunters! Taim bilong bekim

... Bears i bin winim ol long raun 9



Top trai skora bilong ol Hunters Garry Lo long raun 9 taim ol i bin pilai egensim Burleigh Bears. Hunters bai nidim Garry Lo long skoim planti trai gen long helpim ol long winim Bears. *Poto PNG Hunters Websait.* (Stori long Pes 26).



**PMV OIL BILONG YUMI**



**BOROKO MOTORS**

- PORT MORESBY 325 5255
- LAE 472 1144
- MT HAGEN 542 1933
- TABUBIL 649 9048
- KIMBE 983 5035
- MADANG 422 2658
- KOKOPO 982 8193
- GORDKA 532 3552

Email: info@borokomotors.com.pg  
 Website: www.boroko-motors.com